

赤水玄珠全集

S25-6

1526

1部13




赤水玄珠第二十七卷痘疹

痘疹心印小引

新安生生子孫一奎著

生生子曰余考痘之為症上古軒岐秦越人淳于公輩皆未之論列也自東漢建武
 中南陽征虜染流中國時謂之虜瘡醫者以蜜煎升麻數數拭之然則痘蓋肇於
 東漢也已顧奈何張仲景華元化王叔和皇甫謐褚澄孫真人王冰許學士諸名
 公亦未之置喙至宋錢仲陽而下陳文中李東垣王好古朱彥脩乃始言之迨劉
 昉之幼幼新書王賓湖之幼科類萃徐用宣之袖珍寇衡之全幼心鑑湯衛之嬰
 童寶鑑高武痘疹正宗汪石山痘疹理辨魏直博愛心鑑李言聞痘疹證治痘疹
 要訣聞人規胡大卿八十一論李實痘疹淵源翁仲仁金鏡錄萬菊軒痘疹心要
 俞東臯痘疹危言皆特以痘疹為言者不下數十家各相發明似無遺漏宜乎今
 之嬰童可無虞矣何邇年來痘疹一臨瘍輒相踵十不保五何故哉屈數前書不
 為不多吐心露胆不為不悉豈多岐而亡羊耶抑其術猶有未臻者耶嗟嗟書不
 盡言言不盡意明者當心得之已古謂用藥如用兵岳武穆云陣而後戰兵法之
 常運用之妙存乎一心書安能使人人必克勝哉矧今之業專門者以痘為秘術
 為禁方固不道其道心其心各師其見各顯其法而不思融洽粲理以契所歸故
 乃宗張喙李是甲非乙殆派紛而不會其源曷能齊其治哉余燭斯弊每為痛心
 故節錄各家成法叅以鄙意會而同之名曰痘疹心印庶好生君子得以窺其竅
 妙云爾



原痘

萬菊軒曰上古之時未聞瘡痘之症素難之文鮮有及者豈其人淳龐朴野積精
神虛邪苛毒莫之能害歟或云自建武擊虜遂染其毒流布中國謂之虜瘡或因
聖瘡言其變化莫測也或曰天瘡言爲天行疫癘也或曰百歲瘡言人自少至老
必作一番也或曰躑躅瘡言其形之相似也故患此者如蛇蛻皮如龍蛻骨死生
存於呼吸之間夫上古所無而季世有之抑時世異耶抑人將失之耶余思其緣
天地之氣春夏生養之紀也其物熙熙秋冬殺戮之紀也其物黻黻時逮末世已
非泰和之景不可謂非時世之異然人日習僞不知持滿御神之道七損八益之
數務快其心以散其真不可謂非人自失之也有論穢毒者有論淫火者有論時
行正病者靡有定論將謂穢毒淫火耶則一歲之中大而郡縣小而村落病者相
似而死相繼未必人人若此之甚也將謂時行正病耶何以自少至老但作一次
厥後再無傳染也蓋父母於子一體而分精血之毒已畜於陽施陰化之始固不
待誕生之頃嘔其血而後有是毒也况男子惜其氣以養其精女子調其氣以養
其血苟失所養即貽他日之患子之受於父母者雖殊其爲毒則一也豈有男子
淫火起於氣爲陽毒而易治女子淫火起於血爲陰毒而難治之理耶至於天行
正病亦有其時但觀夫年之所加及有四時不正之氣即知有是正病也然則待
時而發者胎毒也或速而危或徐而持或暴而死者氣之微甚所使也發則其毒
洩矣所以終身但作一度後有其氣不復傳染焉

孫季子朋來曰淫火卽胎毒也天行卽疫癘致痘之由端不外是二者蓋淫火肇於有生之初伏而不發必自天行煅煉一番然後洩之雖百歲不免焉殆亦有生之後一劫也設非淫火胎毒安得一生只發一次哉矧人之出疹出痘正如蠶之脫殼一眠二眠三眠也若謂純是胎毒不假天行何臨作之年郡縣村鎮沿鄉接壤莫不皆然卽卵生如雞鴨胎生若猪犬且皆不免又概可見至於生者死者實由所感天行之輕重非干所稟之厚薄也觀今之童稚體盛神壯宜其稟氣之厚亦多死者彤羸色瘁豈非所稟之薄且多生者迹此驗之死生輕重乃臨時所感天行之輕重也爲父母者慎加保惜以膺天和不可純委於命而尤天也特筆此以

告

萬菊軒曰昔人謂在胞中飢則飲母之血渴則飲母之血余獨謂其不然蓋兒始受氣之時一月胚二月胎不過一點精血凝結中涵生意也至三月以後其形漸成在胞之中譬諸禽鳥之雛在卵殼中渾渾然薰蒸滋養惟所受太和之氣漸自生長日月既足乃破其胎卵而出矣何以能飲食耶必謂有所飲食則胚胎之初形象未具何飲何食耶且血者渣滓之物有入必有出十月之前所飲所食之血又從何道出耶若生下口含惡血乃母臨蓐之時血穢流溢入兒口中未必便是先在腹中所食之血也但云兒在胞中滋養形體長育變化培植根蒂者則在母之血液也

或有問曰兒在胞中饑則食母之血渴則飲母之血萬菊軒以爲必無此事驗今之

初產之孩口有穢血少頃就有黑糞從便而下是其徵也安可遽謂必無之耶孫
季子朋來對曰以物理格之似無此事也兒之胞胎在腹猶瓜菓然瓜菓賴藤樹
滋灌汁從蒂入日漸肥大成熟兒在胞胎混沌沌懵然無知焉有飢餓蓋藉其
之漚從胞蒂而灌入臍中十月充足胞分而出口中之穢聞或有之實分於胞
中之餘穢惡露也大便黑糞如瓜菓中之汁水耳此必有之物殆平時灌灌穢穢於
其中出懷之後各自立極陽升陰降陽升者啼聲上出也陰降者大便下也此
必然之勢亦必然之理也出懷之後始有出入在腹胞中安有出入之徑穢者
乎格物者自能辯之毋致疑也

痘不宜毒物酵發

生生子曰痘本火毒尤因天行故發熱之初看其熱盛便知毒重即宜解散使表裏
疎通俾熱毒有門路出也全在頭着工夫胡大卿曰小熱宜解毒大熱宜利小便
觀此可見前人慎重之意不輕易用大寒大毒之劑動其大便恐傷冲和壞脾胃
也緣痘全藉脾胃尤賴冲和始能灌漿結靨所謂冲和者即胃中坤元之氣人賴
之以養臟腑而灌漑周身者也近觀西吳治痘罔用頭着工夫動輒便以鱖魚桑
蟲雞冠血虺蛇等毒物謂之酵痘習俗爲常不思痘本火毒毒固宜發但當先門
路未清小毒蘊成大毒茲又以毒攻毒不啻火熾添油則脾胃冲和若燎毛矣故
毒發之後痘粒粗大膿何得滿或潰而爛或膿而嘔或發癰毒或成外剝或致泄
瀉種種之禍變難悉舉豈知門路疎通則痘縱不起發不過補助氣血而或以大



成散佐之自能行漿灌膿蓋痘粒小則漿易滿亦無變症是曲突徙薪之法也舍此不爲而徼彼焦頭爛額之功殆亦危矣戒之戒之

戒用天靈蓋

生生子曰醫本仁術天仁者無大無小無貴無賤無見無隱無處不然故敢醫不殺方長不折皆所以體天地而愛物存仁也醫之治痘逆者不治險者宜治前人方法林林種種何莫非藥何物非劑何適非宜故乃取人之骸骨而煨煉之嗟其忍心亦劇矣乎不思痘之無膿者由氣虛而血不充也補氣以氣補血以味合取其氣味之純厚者以補之則得矣如人乳紫河車鹿角膠之類皆氣純味厚者庶可以補氣血而資精神彼遺久死骸迨氣血竭絕枯朽之物猶稿木死灰已且不能延生而又能資他人乎此必無之理也且痘古稱天花貴清潔而厭腥臭其不可用一也膿少由於血虛喜潤而惡燥茲犯煨煉枯燥其不可用二也况律有禁條以無可取效之物而戕人之遺體犯律之禁傷天之和臆操殺術也焉得仁或曰有用之而痘立發者何謂也生生子對曰余非謂此物不能發特慨其發之後燥毒交扇烈若燎原正如燈卮油盡而又益之以燈心立見焦枯良可悼夫

腎無痘辯

生生子曰諸書皆言四臟俱有痘獨腎無痘故發熱之初單顯四臟之症驗耳之冷則知腎無痘也余謂此皆臆度之言非見道之語也緣痘稟於有生之初父母之淫火伏于子之命門爲天行癘氣感觸而發觀銅人圖命門冗在兩腎俞之中與

臍相對秦越人謂兩腎中間動氣者五臟六腑之本十二經脈之根呼吸之門三焦之原臟腑從此而生故人之所以得不死者賴此動氣以爲生生不息之根有是動則生無是動則呼吸絕而物化矣夫以耳之冷熱驗痘出之輕重則可若以耳之冷而遽謂腎之無痘則不可腎既曰無痘何前人又有變黑歸腎之說由其有出斯有歸也詳古人用四牙散一方亦可見矣蓋牙者骨之餘腎之標是亦以腎補腎之意惟腎之元氣充足則其痘始能盡出且又能制伏其火而使其氣血相依故化膿結痂而愈也腎虛則不能化漿而使之盡出結痂則色變黑馴至焦枯而告殂矣故曰歸腎者猶言痘本出於腎而仍還於腎也是爲辯

首尾不可汗下辯

萬菊軒曰今之治痘者悉云首尾不可汗下聽者和之曰痘宜溫補汗下不可也此亦喜補惡攻之遺弊殊不知治痘之法莫要於解毒或攻或補務使毒氣得解而已如其氣血利暢營衛流通表裏無邪其出則盡其發則透其收則時非但不可汗下雖溫補亦不可用也設使外感風寒約束皮膚腠理痘出不快此當汗之令陰陽和營衛通而痘易出毒得解散可也苟不汗之則毒無從得出留伏于內未免閉門留寇之禍矣如大熱不退煩渴轉增譫妄昏沉便溺阻塞此毒留于腸胃之間與穀氣併宜急下之使臟腑疎通陳莖滌去可也苟不下之則臟壅畜毒煎熬于中甯無養虎遺患之悔乎故大要曰謹守病機各司其屬有者求之無者求之必先五勝疎其血氣令其條達而致和平此之謂也



審證

孫季子朋來曰治痘先須審證痘固胎毒必假天行令氣或內傷飲食激而發也發熱之初預當明其輕重蓋熱輕毒輕熱重毒重也設熱既重便宜察其表裏外感內傷內傷爲裏夫痘全藉脾土以爲依歸脾爲倉廩五臟皆仰給於脾外主肌肉行漿灌膿結痂皆在肌肉脾既受傷則內熱蘊悶或腹疼嘔惡急宜消之重者下之使裏無壅遏則熱自退神自清也內傷不急治六七日夜痘既外出腹中虛矣內傷之物因而瀉痢則不能灌膿而成內陷外感風邪卽宜清解若頭項痛腰脊強便知爲太陽經表症若鼻乾不得眠口渴便知爲陽明經太陽以防風羌活藥月麻黃桂枝陽明升麻葛根之類古人云必使一晝一夜汗出熱退爲佳蓋腠理疎通則痘易出易壯遲則熱燒地盤腠理緻密熱無從出出必稠密或蘊或癍由解散不清縱然發出日後灌漿必咳嗽聲啞喉外剝可不謹之於始哉觀乎古人呼爲痘瘡以其形圓而肖痘也豈喜土鬆滋潤則易出易成熟初出最嫌土燥成熟尤怕濕淫燥則難出濕則潰爛故治痘亦如之若熱盛毒重神昏足冷者卽於前解散內消之中大加解毒故曰六日以前解毒爲主六日以後補托爲主過六日則大事已定救無及矣是以責在審證勿失時也 右審證

總驗部位

內經曰諸瘡皆屬心火心之華在面痘瘡之候但以面之部位占之思過半矣痘本火毒火性上炎諸陽皆上聚於面吉凶善惡尤易見也額屬心火如印堂以上髮

際以下橫兩日月角部位先見紅點先作漿先結痂者此惡候也蓋心爲君主毒發於心故先見於其位君危則十二官皆危死迨速矣左臉屬肝木右臉屬肺金如兩臉先見紅點磊落者吉如相聚作塊其肉腫硬者死蓋肝藏魂肺藏魄生意既絕魂魄相離故不治也頰屬腎承漿橫抵兩頤先見紅點先發先痂者吉此位雖屬腎然三陰三陽之脉皆聚於此陰陽和故無虞也鼻雖爲肺竅而準頭則屬脾土若準頭先出先痂者凶蓋四臟皆稟受於脾毒發於脾則四臟皆失所資殆土敗則四臟皆相隨而敗故延綿日久而後斃也腎之竅在耳又心之用亦在耳心者少陰君火也而少陽相火之脉行乎耳之前後凡在耳輪前後先見紅點者凶蓋君相二火互發燔灼之勢難以撲滅惟口唇四圍先出先起先痂者大吉緣陽明之脉俠口環唇胃與大腸主之無物不受殆猶海也乃多血多氣之經故曰大吉也

驗面

發熱之時面色明瑩者吉赤若塗胭脂者凶此邪氣拂鬱於陽明胃與大腸也陽明經上循於面熱盛故赤也宜清涼解毒稍通利之面垢慘黯者凶面垢者少陽候見也邪熱拂於少陽甚則面微壅宜表裏雙解蓋少陽從中治也

驗耳

腎通竅於耳故耳以候腎也腎臟屬北方天一所生之水受氣之初先生兩腎如豈子離泥兩邊分開之辨也痘疹發熱耳獨涼者瘡疹屬火外邪不干於腎故也如

耳熱是邪干於腎毒不發越則反有歸腎之變凡觀痘瘡先看耳後有紅縷者證少陽三焦之脉從臚中上出缺盆繫耳後直上出耳角紅者火色也此瘡痘之火發從少陽故色先見於其經也凡痘自耳先出未及成漿耳輪先靨者此漸萌歸腎之勢多凶

驗目

目者心之使也神所寓焉發熱之初觀其兩目神倦不欲開者痘也目中汪汪若水者疹也諸瘡皆發於心故候見於目也目赤者熱甚也心惡熱急解之經云肝開竅于目瘡疹發熱目連劄者肝有風也風入于目上下左右如風吹不輕不重不能任故目連劄也目直視者肝有熱也熱入於目牽其筋脉兩眦俱緊不能轉盼故目直也得心熱則搐者風火相搏也痘疹發搐此其常候但瀉心肝二經之火搐止則吉不止則凶五臟精華皆上注于目痘瘡之毒發于五臟毒之甚者目必受之故前人註有護眼之法良有深意凡兩眼常出淚者肝熱也此時眼中無痘宜服瀉肝火之藥蓋眼中之毒常在收靨不齊之後方有如痘入目成膚翳者切不可用點藥恐損睛破瞳成廢人矣痘瘡收後目不開者肝熱則目澁不敢開明暗皆然心熱見明則合見暗則開謂之羞明此有餘熱在心肝也如瘡未成膿腫消目閉者瘡已過期收靨不齊目閉不開者瘡壞欲變目上竄者心絕也直視不轉者腎絕也非泣而淚自出者肝絕也微瞑者氣脫也血貫瞳子者火勝水竭皆死候也

驗鼻

鼻爲肺之竅痘疹發熱之初噴嚏者火邪上干於肺外應於鼻而痒則嚏鼻乾黑燥者火刑於金金體本燥得火反甚急宜清金瀉火以解其毒鼻衄者血得熱而妄行故衄出於鼻急以涼血瀉火以解其毒鼻流清涕者疹也疹發於心心肺相連以火煉金熱極而反化爲水也痘出之後鼻塞不通者熱也痘已成漿收靨之時鼻塞不得息者此鼻內有瘡膿涕粘結可用金銀小簪子以通之如痘未成雙鼻端先乾者凶內經曰臟眞高於肺以行營衛陰陽也邪火刑肺肺敗不能輸精於皮毛故皮毛焦枯先見於鼻營衛不行陰陽不續以漸遍身皆乾枯而死矣凡瘡變壞鼻中血出者鼻孔開張喘急者肺絕之候皆死症也

驗唇口

脾之竅開於口其華在唇四白發熱之初口中和唇色紅潤者吉如口燥唇裂其毒必甚急解之痘出稠蜜唇口痘子相粘諸痘未發此處先已戴漿諸痘未收此處先已焦黑者凶面痘腫灌唇上痘裂成塊乾濺者重如痘出太密口中氣臭者臟腑敗壞故臭出於口也痘欲變壞唇上縮者脾絕也唇下自呷者魚口也口中涎如膠粘者脾津竭也皆不可治

驗手足

四肢者諸陽之本痘出欲疎其發欲透其醫欲齊如應出不出應發不發應收不收此脾胃氣虛不能旁達四肢也發熱手尋衣領亂捻物者肝熱也手掐眉目鼻口

者肺熱也手足搐搦者心肝風火相搏也各隨其臟而瀉之足涼者此常候也足冷手亦冷者脾臟虛也四肢皆稟氣於胃而不得至經必因於脾乃能至也脾虛不能爲胃行其津液故冷耳宜溫之痘已出手足多水泡者此肝勝脾衰爲鬼賊宜急治之不久便生痒癩也如遍身皆發手足不透是空殼者此脾胃虛弱津液耗竭營衛凝澁故其毒亦鬱而不發也不能食者死能食者必發癰疽痘勢大甚手足冷者不治痘未成漿手足皮脫者必死痘已正靨惟足不收者足爲純陰無陽相濟所以收遲如痘始成漿他處未收手足心先靨者其後必生怪疾也痘靨之後手足關節腫痛者必發癰也痘痒手足搔亂者凶

夾斑

斑者血之餘有色點而無頭粒隨出隨沒者也丹則成片赤如雲頭而突皆血太過而氣不及營衛失護致血任三焦浮遊之火散慢於皮膚之間耳宜以輕劑散其火邪兼活血解毒之藥治之並用玄參升麻湯加石膏黃芩荊芥芍藥芎歸或升麻湯加紫草蟬腿多磨犀角汁化下烏金丸又或結痂之後而發者餘熱煎熬肉分其斑必爛宜解毒湯加歸芍黃芩石膏甚則大連翹飲爛處以生肌散敷之無不瘳矣至若青黑紫斑乃毒氣不能發泄之故死生一反掌間耳急與四順清涼飲利之其斑既退即以四君子湯加黃耆姜棗煎服如不止再如肉果須要預煎候之俟斑退血附即服庶可免其內陷也大抵斑在發熱放標起脹時多用表散在灌膿收靨時多用解利遍身通紅者治同



發斑有二陽毒發斑者壯熱渴燥兩目如火脉洪有力其色紅赤者胃熱也紫黑者胃爛也一則下之早故熱乘虛入胃一則下之脫故胃熱不得泄皆內外挾熱愈發斑也當服玄參升麻白虎等湯陰症發斑者身無大熱手足指甲俱青緣紅而急其色微紅或暗晦此無根失守之火聚於胃薰於肺傳於皮膚而爲斑也妄投以涼劑則誤矣當與升麻鱉甲湯調中溫胃而斑自退

夾疹疹卽麻也

痘毒出於陰疹毒出於陽陰主血故痘有形而灌膿結痂陽主氣故疹有色而不膿痂此皆有生初之淫火伏於命門之間本非尋常並發者惟痘出之時或入行所激觸動其毒故並出耳此亦不順之症也故急宜清散先服升麻葛根湯如不解則犀角地黃湯內既清涼則疹亦隨之而解矣

錢氏云痘疹只出一樣者善凡痘已見形其間碎密若瘡子者此夾疹也由火毒薰灼於中故使疹挾出於外也急宜解毒使疹消散痘得單成可也宜荆防解毒湯主之若服後而疹不退者凶之兆也夾斑治同

膚疹者熱毒之氣發越而然也暴出之時點如麻狀但色鮮赤成片耳用敗毒散毒當隨散越數日而痘出痘反稀疎

劉宗厚云癩疹多屬脾隱隱然在皮膚間而名之也發則多痒或麻木不仁者是兼痰兼濕之殊也色紅者兼火化也用解毒防風湯若內傷外感而發者用調中湯

夾沙亦麻類粒頭瑣碎吳地呼爲沙子其狀如夏月膚腹之痱子

沙之形如粟一般尖圓而硬中含清水夾痘而出者亦熱毒之所發也用四芩散加防風黃芩分利陰陽而痧自退矣

夾疥瘡

痘夾疥瘡而出則血氣爲瘡所奪痘多不能起發成漿須連服內託散庶無坐陷之患也

乾枯黑陷紫陷

朋來曰凡黑如烏羽者生以其熱雖熾而血尙活治以涼血解毒可愈也黑如焦煤者死無生氣也故不治

痘色初見深紅者必變紫紫必變黑紫黑必至於乾枯皆血熱乾滯而氣不能運行一定之理固如此也治須以涼血清熱爲主看其微甚或利大便或利小便或爲解散頂雖平陷不可以氣虛而例用參芪補劑蓋補氣則熱愈甚而血愈澗也宜以絲瓜化毒湯加當歸紅花連翹牛旁更以麻黃解毒湯發散其毒或以紫草湯化下小靈丹或燈心湯化下大靈丹有黑疔者針挑破去其毒血兼用扶脾實土之藥古方有燒人尿者有用四聖散者有用牙散獨聖散者有用雞冠血酒漿灌之者有用胡荽酒塗其遍身并衣服薰之者有用壁間蟻蛛如豈大者研爛入雄黃每歲一釐同研勻酒調服者有用黃連犀角清心火者以上皆可擇用如宣風散百祥丸牛李膏內有大戟等牽牛峻利之藥元氣盛尙可虧損况痘後之兒尤當慎之

黑陷二種因氣虛而毒不能盡出者酒炒黃耆紫草人參黑陷甚者亦用燒人尿

白陷灰陷朋來曰察其乳食少進二便清利者爲寒法從溫補之

痘色白者必變爲灰慘灰慘者必變爲平伏倒塌此雖氣虛而血不華色血亦虛也故當氣血兼補使血活氣行則白色可變爲紅庶或可救若單用補氣之藥則氣燥血虛必致發痒抓破灰慘平伏倒塌爲不治之症矣治宜補中益氣湯各四物湯有內熱者加解毒藥白陷抓破皮薄乾燥而極痒者皆由失於補血以致氣虛則燥然也

內潰

心鑑曰內潰者胃爛也蓋因風寒所中腠理固密陰陽二分壅塞不通其毒內攻而臟腑之間毒火炮熾則潰而成膿口舌皆白是其驗也識者於痘未出之時或有風寒阻隔氣粗熱甚身必戰動肚腹急痛謹防此患以敗毒散或升麻葛根湯逐散寒邪開泄腠理經毒外出必無是症

痒塌

痘瘡痒塌今人總歸之氣血虛寒殊不知亦有氣盛血熱而然者須從形色及他證辯之如痘色淡白精神虛怯小便利大便頻至夜痒甚者此脾氣弱而氣血均虛也參芪內託散及四君子湯加黃芪肉果官桂白芷蟬腿主之甚則陳氏木香散佐之如瘡色紅紫煩躁大小便不利渴欲飲湯水甚至抓破血流者此氣虛血熱毒盛血行氣分血味醜醜蝨蝨皮肉而痒也四物湯加參耆連翹蟬腿白芷甘草及三味消毒飲加紫草連翹主之血流者敗草散蕎麥麵炒黃土摻之又遍身



痒甚抓破者不問前後皆服蟬花散外以乳香或敗荷葉茵陳燒煙薰之 若穢
氣衝觸作痒抓破者宜服內託散外以辟穢散薰之然發痒精神清爽自知其悞
欲人拊摸者吉若悶亂不寧者搖頭扭項手足舞亂言不聽禁不止者凶也
羣玉曰痘疹發痒如能食而大便堅結者此邪氣內實正氣外虛也加味四聖解毒
湯治之外用升麻蒼朮麻黃槐柳桑皮煎熱拭之 如泄瀉者此正氣內虛邪氣
外實調元託裏治之外用山茵陳白艾二味爲末燃火薰之如用上二法而痒即
止者吉痒不止而反甚者凶也

心書曰痘瘡作痒者火邪傳於肌膚之間不能即出或血方流行而爲風寒外束故
鬱滯而作痒與傷寒汗不出而作痒相同法以荆芥穗束之以紙而刺痒痘之項
以散鬱邪其痒即止驗之如神內服消風火化毒湯以解之 以上痒症痘家之
惡候茲錄各家治法驗甚者以備緩急參用

目睛露白

人之一身必元氣固則精血爲之凝聚而瞻視有常也若元氣虛損則衛氣受虧是
以督脉縮促致睛上吊而露白也若謂之風則謬矣遇此候別無他證者可以保
元湯加陳黃米主之無魂失志不省人事者不治雖無他證而或見於七日之前
則毒尙未解而氣血已離必不可治之症也

聲啞

心之氣舉擊於肺而爲音肺清則音清肺熱則音啞此必氣喉有痘熱毒閉塞肺竅

而然也須分順逆爲治如七日之後失音者乃內痘先熱而先靨則咽喉漸寬毒氣漸消聲音自亮爲順症也若七日之前失音者此毒氣薰蒸失於調解致肺氣不通閉塞管籥毒無從洩內痘糜爛舌齟成坑咽門腐壞馴至呼吸俱廢爲不治之症矣或有內本無痘因食辛熱之物或多服熱藥所致者急用甘桔湯射干生旁湯加玄參連翹犀角治之或能言聲不清者此火乘於肺也瀉白散加天花粉桔梗石膏片苓茯苓麥冬山梔治之或感風寒閉塞而聲不清者參蘇飲加桑白皮杏仁石膏主之如法治之而效者吉否則凶

水噎

喉之竅若管籥然痘之初出細小不覺及肌表之痘成漿則內痘亦成漿而其毒藥於會厭然是乃飲食所進之處故飲湯水不易進納則溢入氣喉而發噎也若穀食有渣自能咽之從食喉而下非如水溢以犯氣道矣七日後見者不藥而愈何也外痘靨而內自痊矣若七日前見則爲逆症由熱毒壅塞不能發於肌表故耳治用甘桔湯合解毒湯加牛子玄參荊芥麥冬若預以甘桔湯清其氣道安致有此患哉

驚搐附癩痢

心者神之舍也痘毒本熱熱氣擊動心神肝不能制故神不安而發驚搐治宜瀉肝利小便蓋瀉肝則風去利小便則熱除風熱既退則痘出而驚自愈矣故痘未出而見此症者則升麻湯合消毒飲主之或紫草膏或蟬酥丸不可竟投涼劑蓋心

一涼則氣血隨飲毒無從出也痘既見而有此症由熱毒之未解耳四苓散合消
毒飲或紫苓湯或導赤散若風火相搏喉中痰鳴目睛上視面赤引飲起居冷處
者紫苓湯或抱龍丸若痘後胃弱飲食不化謂之食蒸發搐必面黃潮熱大便酸
臭秘泄不調或吐利腹痛宜紫霜丸下之大使秘者四順飲痘後毒當盡解而又
發驚則心氣已絕神無所依必不可治發癩癩者粉紅丸治之

痘後手足麻木無汗者參附湯若手足難動常出汗者莖附湯 卒然驚仆不省人
事者用皂角爲末吹入鼻中即甦古謂先痘後驚者不治痘正發而有此症能不
爲之可悼哉

又痘未出毒氣內逼目上竄驚叫驚風者乃痘欲出之候也若誤認爲驚而治之則
毒氣內蓄邪熱不洩而反危矣

煩躁

心經有熱則煩躁蓋痘毒之熱擊動心火脾少津液不能濟之此所以發爲煩躁不
寧悶亂狂言等症也治當觀其虛實何如痰實壯熱者梔子仁湯或解毒湯或辰
砂益元散二便秘則通利之虛煩而渴者保元湯加麥冬五味或麥門冬湯夏月
暑甚煩渴而痘出不快宜辰砂五苓散屢後發熱煩渴麥門冬飲子此症似輕而
重苟服藥而久不愈則心脾二經皆爲熱毒所傷矣煩則必渴渴則必瀉瀉則必
咬牙寒戰而痺塌之患立至也慎之慎之

秋傳曰痘瘡以安靜爲貴但有煩躁者必毒氣壅併表裏不寧宜審諦之如搔爬不

停者痘痒也不甯者裏熱也呻吟者痛也非折肱之妙手安能識其病而起其症哉

發渴

渴者胃中熱也胃中津液為熱所耗故渴而飲水也始終固有用白虎湯加天花粉乾葛甘草然有汗加人參或辰砂六一散小水不利者四苓散氣虛保元湯加麥冬五味至於陰虛火動而發渴者固為難治之症理辯則謂六味地黃丸加桂心五味子乃治虛渴之聖藥也不可不知

痘疹心書曰毒氣萃於陽明此時多發熱渴熱淫于內而外不得宣通故發渴也宜神功散服後猶渴者宜紅花子一味煎湯飲之如無子即用紅花湯加牛旁子服之此藥神妙能散胃口之瘀血故也切不可用荔枝黑棗椒姜等湯以助陽經之熱

噯氣

熱毒鬱於胃中欲發而不得發故噯氣治用半夏生姜湯加陳皮黃芩或四苓散加陳皮竹茹以利之

不食

痘瘡始終以脾胃為主若飲食如常者此臟腑充實脾胃完固不消服藥若不喜飲食者必須辯別而治之如泄瀉痘色灰白而不食者此脾胃虛而元氣弱也宜四君子湯或人參養胃湯七珍散治之如大便秘瘡掀腫不食者此毒盛而血熱也



宜四物湯加解毒藥熱甚者加姜炒芩連便秘者下之萬氏云痘瘡不怕稠密只要能食

汗多

汗乃心之液由熱氣內蒸腠理開泄故液隨氣而出也自汗盜汗俱能虛火未熾之時恐不能灌既灌恐不能騰既騰恐血脫陽虛變爲他症最宜調理自汗宜保元湯加桂枝白芍浮小麥以歛之有熱加酒芩盜汗宜當歸六黃湯或當歸湯丹溪曰自汗不妨蓋濕熱薰蒸而然也此特爲汗少出者言耳若汗大出身冷惡寒等不早爲之治乎此宜異功散救之寒不已者死 汗綴如珠者死 汗而昏沉者死 汗流煩渴者死不可不察

諸失血

夫血熱則妄行蓋熱毒之氣淫佚無歸則血亦隨之而走泄也始終用犀角地黃湯加芩連梔子白芍但血之妄行或吐或下或陽從瘡痘毒而出者悉皆不治何謂也吐便者有傷于內也瀉膿血如死肝荳汁者胃爛也從瘡毒而出者肉分空虛而元氣爲之走泄也鼻衄者生蓋血隨毒行傳注督脉斬關而不出不犯其內故耳至于女人失血不止尤當急治嘗有一男子口鼻出血數碗以韭菜汁半碗頓服而愈

陰囊發腫

痘症陰囊腫痛如瓠瓜者乃膀胱熱甚毒氣流於小腸而然也急宜清利退火滑石

木通車前牛膝梔子瞿麥燈心甘草水煎服或紫草飲子小便不利者加木通外以石燕子醋磨濃汁敷之

痘後浮腫

痘磨之後失於調理或傷飲食或感風濕致傷脾土濕勝而爲腫也傷於食以健脾胃加山查麥芽平胃之類虛者加人參俱以淡滲之劑佐之傷風濕者平胃散加防風羌活汗之水腫者以五皮飲消之一方用蘿蔔子殼蒲蘆煎湯洗之立消又法柏樹葉桑樹葉煎湯洗亦消

驗動靜

凡痘以靜爲貴內有不利則動凡靜屬陰而動屬陽痘之爲症陰陽俱病但息欲其勻語欲其少寐欲其安寤欲其寧觸其瘡則吟拂其欲則鳴飲食二便如時此平人之候是爲靜而吉也如呻者身有苦也自語者神不清也喘粗者內熱也腸鳴者泄也坐臥不寧者心煩也啼叫不止者痛也搖頭者風也指欲搔者痒也嚙物難者咽痛也咬牙者心肝熱也若悶亂擾譫妄昏眩如見鬼狀搖頭扭項手舞足擲目睛上視寒戰咬牙語音不出皆爲死候如病向靜忽然擾動者異也須細察之痘色變而無他候者戾氣觸之也痘色不變又無他症此必有因但俟自定其有目瞑息微四肢僵直口噤痘壞昏睡不省者此真氣將脫魂魄欲離之兆又不可作靜看也

稀痘仙方 牛黃一錢 蟾酥三分 辰砂七分 絲瓜蒂近蒂取五寸燒存性五錢 爲末每一



歲服一分砂糖湯調下

鬼紅丸服此可免出痘 辰砂 甘草 六安茶 各等分臘八日午時取生鬼子血為

丸梧桐子大逢三六九與兒食之

鼠肉方 取雄鼠肥大者去皮毛腸穢用鹽醋爛煮與兒食之痘出稀少切不可
兒聞見亦不可對他言知但只可自設法取用不可用他人取討者恐防毒藥死
的慎之或只用砂仁白朮煮不用椒葱蒜韭并油煎等辛辣熱物若未食童兒與
食尤妙此屢試屢驗者

四脫丹 蟬退 蛇退 鳳凰退即哺出雞子壳 神仙退即父母爪甲 右各等分焙為末

每服一錢煉蜜為丸葦荳大每年除夜服服三年永不出痘

玄兔丹 玄參酒洗五兩 兔絲子水淘淨酒煮研爛為末 右二味俱不犯鐵器為末黑

沙糖為丸彈子大每日與兒服三丸沙糖湯下

葫蘆花湯 八月採葫蘆花不拘多少陰乾入除夜蒸籠湯浴兒或不出痘縱出亦

稀少

苦楝子湯 苦楝子不拘多少煎湯浴兒或痘瘡不出出亦稀少

三花丹將出之時用之能稀少 梅花 桃花 梨花 取已開未開盛開者陰乾為末

等分取兔腦為丸雄黃為衣用赤小葦葦葦黑大葦三葦湯下

六味稀痘飲將發痘預服之 山查 紫草 牛旁子各一錢 防風 荆芥各一錢二分

甘草五分 姜三片水煎服



輕斑散治痘未見點時服之 絲瓜近蒂三寸連皮子燒存性爲末 砂硃五分 二味和勻沙糖

調下痘出必稀多者少少者無

稀痘如神散 絲瓜 升麻 芍藥酒炒 甘草 山查 黑荳 赤荳 犀角磨用

各等分每服三錢水煎服不拘時看大小加減

預服萬靈丹初發熱一服即輕 百發百中 升麻小者二錢 葛根三錢 甘草三分 紫草茸

一兩 蟬退 姜蚕洗 連翹 白附子炒各三錢 山荳根五錢 全蝎去毒千枚 雄

黃一錢半 射香一錢 蟾酥一錢好酒養化 右十二味和拌爲丸皂角子大每服九

紫草湯下

發熱有數種

生生子曰凡痘疹發熱與傷寒傷風傷食驚風等相似先當辨明傷寒之熱手足梢

微冷無汗惡寒面色青慘不舒左額有青紋 傷風熱手足梢微温自汗惡風面

赤而光二者皆太陽症俱頭項痛腰脊強 傷食熱日胞腫右額有青紋身熱而

額腹最甚夜熱晝涼面色黃或吐利腹痛 驚風熱面色青紅額正中有青紋手

心有汗時發驚悸 痘子之熱必顯四臟之症耳熱冷中指冷尻冷面燥腮赤呵

欠頓悶乍涼乍熱多睡咳嗽噴嚏驚悸吐利 夫發熱者瘡疹常候也但熱微毒

微熱甚毒甚微者勿藥甚者必宜及早清解原痘無逆險只在發熱之初調治之

早觀其熱重神昏即以清解之劑投之以發表或攻裏法在不避必使一晝一夜

表裏通和熱退爲佳蓋毒解則熱始退熱退痘出自然稀疎明朗若不早爲疎通



表裏則毒無出路雖小毒穰成大毒治及出齊則順逆險已定順者幸而無虞逆者無所措手矣古無順逆險之名稱順逆險者自魏桂岩始也

初發熱三朝證治活法

凡發熱疑似之間宜投人參敗毒散一劑發之是與不是一發便見萬菊軒曰大抵痘疹只宜發盡勿使留伏于中

凡用發表之劑務察天時不可固執只宜平和之說極爲誤事適遇冬寒及春行冬令之候腠理緻密血氣凝澁痘必出遲遲則蘊熱熱不得汗毒莫能洩必多壅遏之變急宜辛熱之劑發之性枝葛根湯或五積散去乾姜如天時熱則腠理疎鬆氣血淖澤防其發洩太急恐罹潰爛之變必以辛涼之劑解之宜升麻葛根湯雙解散之類如春秋天時溫和不寒不熱只以人參敗毒散最佳

保嬰丹 熱甚者用之捷效或就於前解散藥化下一丸能令重者輕輕者少以其極能解毒也

初發熱時飲食二便如常精神清爽痘必稀少不須藥

初發熱時渾身壯熱熾熾然不渴清便自調此邪鬱在肌膚之間宜輕揚之劑發之升麻葛根湯甚者羌活湯

初發熱時其熱烙手目赤鼻乾唇燥小便赤大便秘煩悶不安此表裏俱熱毒氣壅遏宜發表通裏雙解散主之

初發熱時表不甚熱煩躁不安口渴小便赤澁熱在裏用紫草膏保嬰丹辰砂六一

散犀角山豈根之類清解之甚者三黃丸微利之

初發熱時腹中痛者此痘毒與穀氣相併急以麥芽山查紫蘇枳實砂仁陳皮溫而消之若腹脹硬痛大便秘者備急丸下之

初發熱時咳嗽鼻涕參蘇飲主之

初發熱大便秘結急宜潤之恐熱毒內蓄宜紫草飲必使大便通利爲好

初發熱嘔吐者要明外感內傷 外感者二陳加柴胡藿香生薑枳殼和而解之

內傷者二陳加藿香砂仁麥芽山查枳實蘇梗白芷消之 胃弱而吐者六君子

湯有毒氣上衝大吐不止者辰砂六一散甚者加石膏蘆根湯亦佳

初發熱作瀉腹中不痛原無內傷者此痘內動與外邪搏激所致不必治瀉但以輕

揚之劑升發之痘出而瀉自止

初發熱自汗自吐自瀉者乃毒從上中下而出皆爲吉兆但只在三日內裏不可多

日恐元氣虛脫也

瀉有冷熱熱瀉者口渴小水少而身大熱四苓散加木通若乾嘔加姜炒黃連或六一散

冷瀉口不渴小水清重理中湯輕者參苓白朮散久瀉者荳蔻丸

初發熱二三日間有驚搐者導赤散羌活湯辰砂散 大便秘者三黃丸微利之

小便赤澀者導赤散 渴甚者葛根解毒湯 腹中痛者桂枝大黃湯 腰痛者

人參敗毒散 自利者黃芩湯 吐利者黃芩加半夏湯 如脾胃素弱自利清

白者理中湯丸或四君子湯荳蔻丸合而服之




凡發熱及初見標時須問咽喉疼否但有微疼急清解之甘桔湯加牛旁子 太抵

痘要解咽喉為急務不早防以致失聲乾嘔水穀不入搶喉噴吐治無及矣

管氏曰發熱之初痘之吉凶皆兆於此故急宜表汗使臟腑胎毒及感不正之氣盡從汗散則痘出自然稀少蓋熱甚毒甚熱微毒微不必治妄汗則表氣一虛痘不能起發反為害也盛者汗之要在身熱盡退為佳其有一切雜症皆由毒氣欲出不能故耳一表散則毒氣盡洩諸症自退矣或有當解者解之當下者下之切不可執一也胡氏曰表熱壅盛非微汗則表不解裏熱壅盛非微汗則裏不解正此之謂耳失此不治則毒氣漸盛而逆症隨見世人多忽於此及見逆症而後治之將何及哉

大抵治痘之訣妙在三法曰發表曰和曰解毒知此三者於發熱見標之際預為

之地則多可少重可輕自無以後變症故發表最先蓋痘疹只要發得毒盡不使留伏于內凡發表必無解毒非發表之外另行解毒也痘既已出不渴不熱表裏無邪不須服藥如痘多毒盛裏實能食者可單用解毒如裏氣不和或吐或利於和中法內略兼解毒若毒輕痘少惟裏不和胃氣虛者可用和中則不必解毒也每發表須辛甘清陽之劑羌活防風升麻白芷桂枝之類和中須甘溫之品如人參當歸甘草芍藥之儔蓋中不足甘以補之解毒須苦寒之輩如牛旁連翹葛根芩連梔柏紫草之類蓋毒者火也凡用苦寒之劑必要酒炒可以活血達表且不犯胃氣切宜識之



痘宜依期施治治貴通變

翁仲仁曰夫痘由中以達外用藥因期而變通以其尙未見標必發熱三日然後見標出齊三日而後起脹蒸發三日而後灌膿漿滿三日而後收靨發熱之初耳尻中指俱冷耳後起紅絲呵欠噴嚏眼目困倦兩顴之間有花紋見者預知其為痘也發熱三日當託裏解表使其易出亦有氣弱而不能出者當微補其氣氣和則出快初不可用葸恐腠理密而難出也四五六日以清涼解毒為主清涼則無血熱燥毒之患解毒則無壅滯黑陷之害七八九日以貫膿為主治法當溫補氣血氣血流行而成漿自易也十與十一二日以收斂為主大和氣血補脾利水則自然結靨此特語其常也蓋常者可必而變者不可必當隨候叅詳安可執藥以應無窮之變哉言見紅點之時如豈輕少不可過表在後恐成斑爛或乾紅紫色急宜疎利不然在後必成黑陷四五日之內痘出至足心為齊苟未盡出於解毒之中宜兼發散若專於寒涼則痘遲滯不出七八日之間毒未盡解於溫補之中又兼解毒若偏於燥劑則毒盛不能化漿也十一二日之間漿未滿足必大補氣血畧兼解毒不然恐有癰毒溫疤之患此變通之妙要在隨時制宜也

人參敗毒散

羌活

獨活

前胡

柴胡

川芎

枳殼

桔梗

白茯苓

人

參各等分

甘草減半

生姜三片水煎服

一方加薄荷少許

參蘇飲

人參三分

紫蘇葉

桔梗

乾葛

前胡各四分

陳皮

茯苓各五分

枳

殼三分

半夏二分

木香一分半

生姜三片水煎服

升麻葛根湯 葛根 升麻 白芍藥 甘草各等分 水煎服

雙解散 即防風通聖散益元散二方也 防風 川芎 當歸 白芍藥 薄荷

葉 大黃 連翹各五分 石膏 桔梗 黃芩各八分 白朮 桂枝 荆芥

穗各二分 滑石二錢半 甘草一錢 生姜二片水煎服

桂枝葛根湯 葛根 桂枝 赤芍藥 升麻 防風 甘草各一錢 生姜二片淡

豉一錢水煎服

保嬰丹 紫草茸酒洗忌鐵四兩 纏荳藤燒存性四兩 荆芥穗 防風 升麻 大力子

炒各二兩 天竺黃一錢二分如無真者以雄黃一錢二分代之 牛黃一錢半 辰砂用麻黃湯

枝殼紫草煮過再飛 蟾酥自取真正者一錢二分 赤小荳 藁荳 黑荳各四十粒炒香

甘草梢去皮二兩 加紫草三兩水熬成膏半碗沙糖半碗前藥俱製淨末和為丸

圓眼核大辰砂飛過為衣未出之先濃煎甘草湯每服一丸大兒加一丸凡遇

發熱之時生姜葱白湯化下厚蓋表汗乃解毒之神藥

心要羌活湯 羌活 川芎 防風 山梔子 龍胆草 當歸各等分 甘草減半

薄荷葉三片 淡竹葉五片 水煎服

紫草膏 治紅紫黑陷熱毒 紫草茸 白附子 麻黃去節 甘草各五錢 全蝎

八枚炒 右為細末用蜂蜜一兩酒半盞 入紫草煎成膏旋入各藥丸如皂角子

大每服一丸仍用紫草湯化下 如治驚搐用金銀箔為衣薄荷湯下

六一散 桂府滑石飛淨六兩 大甘草去皮一兩 每用一錢燈心薄荷湯下 內加



制辰砂三錢名辰砂六一散 治狂言妄語驚搐用防風荆芥薄荷天麻煎湯候冷調下 本方加鬱金名牛黃六一治痘後瘡癩癰毒及天行瘟疫冷水調下多服大効

退火丹 治痘初出標大熱不退或稠密成片者神效 六一散一料加雄黃飛過

三錢 纏荳藤燒存性一錢外用紫草木通蟬退地骨皮紅花大力子羌活片苓燈心煎湯候冷調下極能解毒稀痘

四苓散 白朮 赤茯苓 澤瀉 猪苓 右爲細末每服一錢

三黃丸 黃芩五錢 黃連 大黃各二錢半 爲細末雪水搗丸藁荳大辰砂爲衣每

服五七十丸燈心湯下

備急丸 木香二錢半 大黃 黑丑頭末各五分 爲細末神麩糊丸藁荳大每服五

七丸山查湯下

甘桔湯 甘草二錢 桔梗一錢 水煎服

三荳湯 赤小荳 黑荳 藁荳各一升 甘草三兩 三荳用水淘淨用水八升入甘

草同煮荳熟爲度逐日空心面東任意食荳飲汁服七日永不出

代天宣化丸 即韓氏五瘟丹也 甘草 甲己年君土 黃芩 乙庚年君金 黃栢 丙辛年君水

山梔 丁壬年君木 黃連 戊癸年君火 連翹 佐 山荳根 佐 牛蒡子 佐 先視其年所屬者

爲君次四味爲臣君藥加一倍臣減半佐又減半共爲末冬至日修合取雪水煮升麻汁打麵糊爲丸辰砂爲衣竹葉湯下



五積散 白芷 川芎各三分 桔梗一分半 芍藥 茯苓 炙甘草 當歸 桂枝

半夏各二分 陳皮 枳殼 麻黃各五分 蒼朮一錢 厚朴四分 右除桂枳殼一錢

味為粗末慢火炒令轉色攤冷次入二味末令勻水一盞半生姜三片煎一盞

温服

辰砂散 辰砂一錢 絲瓜近蒂三寸連子燒灰存性為末蜜水調服多者可少少者

全無絲瓜解毒最妙 紫草甘草湯調服尤佳

連翹湯 總解諸毒散風清熱痘後一切發熱癰毒赤腫 連翹 防風 瞿麥

荆芥穗 木通 車前子 當歸 柴胡 赤芍 滑石 蟬退 黃芩 山梔

子 甘草各五分 紫草五分 水煎服

連翹升麻湯 連翹一錢 升麻 葛根 桔梗 甘草各七分 木通八分 牛蒡子

一錢 白芍藥五分 薄荷葉少許 淡竹葉燈心水煎服

消毒飲 治咽喉腫痛上膈熱盛 一方加升麻牛蒡子炒二錢 荆芥一錢 甘草

防風各五分 水煎服

翁仲仁十神解毒湯 專治身發壯熱腮紅臉赤毛焦色枯已出未出三日已前痘

點煩紅燥渴欲飲睡臥不寧小便赤澁此熱盛也並皆治之 歸尾 生地 紅

花 丹皮 赤芍 桔梗 木通 大腹皮 連翹 川芎 此方治血熱痘疹

以涼血活血為主佐以桔梗川芎有開提發散之功引以大腹皮木通有疎利

熱毒之效臣以連翹丹皮有解毒之良用此以治血熱痘疹則能內外分消熱



毒雖盛庶幾解散表裏自然和平矣古人用黃連解毒湯恐驟用寒涼不惟水伏熱毒及出不快抑且熱毒爲其所抑則鬱於臟腑或吐痛腹脹內潰而死者有之豈若此方用之爲穩當若不得已而用黃連芩栢亦須酒炒一以製其寒涼之性二以助其上行之勢借連栢以解毒耳

加減法 身熱壯盛加葛根前胡 毒盛綿密加荆芥鼠精子 渴加天花粉竹葉

滑石 小便血加犀角山梔 大便黑加犀角黃連或桃仁 吐血乾嘔加黃連

犀角 發紅斑加犀角黃芩黃栢山梔玄參 小便赤加山梔 小便短澀加猪

苓澤瀉 小便秘加滑石瞿麥 大便秘加枳殼前胡 嘔加橘紅 泄瀉加猪

苓澤瀉防風 大便秘喘加枳殼前胡大黃 煩躁加麥門冬天花粉 煩渴發

亂譫語加知母門冬石膏 嘔吐加猪苓澤瀉黃連 咽喉痛加甘草鼠粘荆芥

以上並用燈心十四根水煎服

羌活散鬱湯 專治實熱擁盛鬱遏不得達表氣粗喘滿腹脹煩燥狂言譫語睡臥

不寧大小便秘毛豎面浮眼張若怒並有神效并爲風寒外搏出不快者同治

防風 羌活 白芷 荆芥 桔梗 地骨皮 川芎 連翹 甘草 紫草

大腹皮 鼠粘子 右爲粗散水一鍾燈心十四根煎六分溫服

身初發熱及見點之際毒氣壯盛外爲風寒所抑或肌肉粗厚腠理堅閉肌緩不

通經絡阻寒使清氣不得引毒達表循竅而出則熱毒擁遏於內爲腹脹爲喘急

爲秘結爲狂煩爲驚搐爲失血皮燥毛直面急眼脹睡臥不甯驚啼多哭此熱毒

擁遏之症辨認不差急宜用發散開提之劑佐以和解透肌之法則熱毒不擁而其出自易矣羌活白芷防風有升提發散解毒之長桔梗有開提勺氣之能荊芥連翹鼠粘善解鬱熱地骨皮消擁熱於筋骨之間且能肅清臟腑紫草滑肌通竅大腹皮引熱下行使內外有所分消用此以治熱擁之症效大而功用極妙若驟用寒涼如芩連升麻之類則熱爲寒氣所抑不得伸越逗遛經絡爲疽爲癰者有之冰伏硬閉者有之至於人參黃蘗白朮茯苓溫補之劑誤用則其擁盛禍不旋踵他如丁桂木香姜附之類以熱攻熱殺人立至尤宜戒慎故發熱之初至見點之後並宜以本方處治依後法而加減之

加減法 初發熱壯熱腮赤面赤毛焦皮燥咳嗽喘急加升麻 煩渴加天花粉乾

葛 腹脹喘急鼻塞面赤若怒毛直加麻黃 便秘加當歸枳殼 甚則加大黃

嘔吐加猪苓澤瀉陳皮 禁用生姜丁香半夏木香 洞瀉加升麻 禁用白

朮茯苓薏苡龍骨等劑 喘嗽惡風加紫蘇桑皮 失血加犀角地黃王連 搗

加青皮 發斑加黃連黃芩山梔 鼻衄加黃芩犀角 小便赤澀加滑石山梔

地黃芍藥 驚悸加木通山梔 不思食加山查 傷食加神麴山查麥芽 煩

紅赤色加生地紅花丹皮白芷防風 見標二三日開出不快利加大力子山查

蟬退名透肌散 皮急肉緊身壯熱甚加葛根前胡 見標三日之內並依本方

加減及三日後痘瘡出齊血包已成而前症悉平不得復用此方恐發散太過

難於行漿另有方藥在後其禁用藥劑並從血熱痘症法而裁治之

太乙保和湯 又名紫草透肌湯 專治血熱痘症服十神解毒湯後熱症悉去內

外和平見點三日之後不易長大粗肥者用之則能保和元氣活血解毒助痘發

漿易癩易落也 桔梗 紫草 川芎 山查 木通 人參 紅花 生地

甘草 糯米五十粒 右用燈心七根姜一片水一鍾煎至六分溫服

便澁腹脹加大腹皮 繁紅不潤加當歸蟬退 出不快者加鼠粘子 陷塌加

黃芪 痛加白芷 不勻加防風 水泡加白朮芍藥 嗽加五味子麥門冬

渴加麥門冬 痒加白朮芍藥 七八日後漿足身復壯熱便秘煩渴腹脹喘急

前胡枳殼湯漿足禁用此方另立湯飲在後

益元透肌散 專治擁熱痘症服羌活散鬱湯後擁症悉開氣血和平見點三四日

後不肥大者不成漿者用之則能勻氣解毒透肌達表領出元陽助痘成漿而易

結膿窠也加減以保和湯同論漿足之後另有保嬰百補湯在後 按此即太乙

保和湯去生地紅花加蟬退鼠粘陳皮水一鍾加燈心十四根棗二枚煎六分溫

服

血熱痘症禁忌

血熱痘症熱毒彌盛然毒氣無所分消只宜重用升提發散使毒得以達表而從外

解引以滲泄使熱得以潤下而從內消佐以清涼消毒行血涼血之劑則痘雖稠

密亦能消散而易出易化漿也所謂輕其表而涼其內十神解毒湯蓋得安表和

中解毒三法盡善誠痘科之神方也丹溪曰熱者清之實者平之其此方之謂歟



是故發熱至見點之後三日以前毒氣未盡達表內外彌盛血熱之症悉具辯症不差並只以本方處治之切不得用參茸白朮茯苓補氣之藥於熱症未漿之前如誤而用之是謂實其實腹脹氣喘狂亂譫語咽喉腫痛口舌生瘡變症百出所謂邪得補而愈盛也嘔吐泄瀉慎不得用半夏丁桂乾姜木香藿香訶子肉果如誤而用之則是以熱助熱氣得熱而愈亢也燥症必至咽疼狂亂失血便秘無所不至矣至於龍骨枯礬澁滯之物且能使氣道阻塞是欲其出而反閉其門也腹脹之患生而喘急之勢至矣尤宜戒之及至血包已成氣血定位頭頂白光勢將行漿又宜易方另行別議

三仁膏

治痘疹大便堅實不宜下者服此潤通

火麻仁炒去壳一兩 松子去壳去皮

七錢 桃仁去皮炒五錢

右研爛加芝麻一合微炒研細入蜜水研極爛以帛濾去

穀同前三仁蜜湯調下看大小用之

見標三日證治活法

發熱三日後退涼見標飲食二便如常形色淡紅疎朗抹過碍手者上吉不須藥

發熱一日便出者凶乃表虛毒盛也急用羌活散加紫草牛旁蟬退煎調紫草膏或

保嬰丹若治之早十救二三若服後熱盛不退宜羌活散調退火丹若無保嬰丹

用纏荳藤灰加辰砂看大小一歲三釐十歲三分逐歲增加代之矣

報痘時煩燥不寧腰腹痛不止口氣大臭痘見紫色者死

標色白皮薄而光根窠全無紅色或根帶一線紅三五日即長如葇荳大此痘決不

能灌漿久後成一包清水擦破而死不可因其好看妄與下藥

標出全不起頂如湯泡燈火燒者一樣十日後痒癢而死

標出時一片紅斑如錦紋者六日死遍身如蛇皮者死黑斑如痣狀肌肉成塊黑者

立時死

凡見標疎少則毒輕不必妄治密則毒盛但要磊落大小分明不相粘連成片可用

前藥進之或託裏解毒之劑快斑湯消毒飲主之使其易發易靨如出太密粘

連糝糊其毒尤甚託裏解毒之劑宜多飲之以防痒癢黑陷之變更察外症可治

則治不可治則勿治

凡痘子初出最要唇口潤澤其毒則輕如唇焦裂舌燥有芒爲毒火熾盛表裏鬱遏

急宜解之黃連解毒湯加大力子標後身熱未退清地退火湯

凡見標先要頭面稀疎磊落頸項胸前稀少其毒則輕如面上一片糝糊未發壅腫

蒙頭纏項胸前布密此毒盛也慎勿治之

凡頭面未見標而手足先出他處未起而手足先起他處未收而手足先收者此陽

火太旺宜早解毒抑陽扶陰之劑四物湯合黃連解毒湯主之如他處俱起而

手足起遲他處俱收而手足不收者此脾胃虛弱不能行其氣血達於手足宜補

脾胃十全大補湯桂枝芍藥湯

凡初見標之時磊磊落落似稀疎之狀其後漸加日多一日此毒伏於裏裏氣虛弱

不能使之即出須大補而兼解毒庶可十救二三也十宣散加無價散



石谷程氏曰凡發熱見標密無毫縫空地稠若蚤種者急用三元秘方救之每一錢
兒用茜根芫荑子各三錢荔枝四枚若不起加葡萄一錢半好酒一鍾煎至五分
候冷每用半盞攪熟水半盞時時慢慢喂之一日服盡次日再用水煎如前慢慢
喂之但服此藥之後不可雜食他物以傷胃氣小者只許食乳大者只吃粥若只
渴即以此藥水飲之一以止渴又能清熱解毒切忌油膩煎炒恐滯腸作瀉瀉則
悞矣或十歲二十歲藥從一歲加起依數增加作一劑服之如年多劑大不能盡
煎可分作二三罐煎之 按前藥用酒煎者活血也後用水者清熱也熱盛必作
渴代茶飲之足可解毒蓋前症不可補補則助毒又不得不補不補則不起發其
當解毒解毒又作瀉不解毒又攻內茲用三味代之既能解毒又可溫脾活血誠
爲千金良劑

凡痘發熱一二日便出或一齊擁出密如蚤種紅紫無縫急宜服之此時切忌保元
恐溫補助毒以其血未活而漿不能化故用此三元解之俟其色淡血活熱勢已
退然後進補庶爲萬全

凡皮肉間纍纍然紅點稠密急用纏荳藤加製過辰砂末連進二三服或薄荷湯調
退火丹仍以牛旁爲末敷顙門上以散熱毒非惟能使痘踈又且免使侵眼 又
方生地黃牛蒡子搗成膏貼面頰額角能退痘毒

一已出未出之時口鼻出血此血熱錯經妄行不可妄投熱劑宜用生犀薄酒磨服
如鼻血不止胎髮灰吹入鼻中即止 口鼻既血又大小便下血恐胃爲熱毒

所傷腐壞而然不可不知一出與地皮相平無興起之意乃是紅斑急用涼血解毒羌活散加酒炒芍藥紅花紫草蟬退木通占米連進二三劑退之夾疹同此治治之遲則紅變黑黑則逆而難治

大凡用紫草必用占米以制其冷性俾不損胃無洩瀉之患惟大熱大便燥者不必占米

大凡用當歸活血須以芍藥收之免辛散助熱

一標出他處未見獨出數粒於山根之上爲毒盛氣虛犯上或發三五粒一塊者皆不吉之兆也急宜涼血解毒以防危急若腮熙地角之間踈踈朗朗淡紅潤澤三四次出者爲氣正道尊上吉症也

一出皮膚乾燥枯澁必難起壯用溪中白色石子數枚燒紅以井水淬之使薰蒸痘上或置被下薰之頃刻潤澤痘即發又能解穢

一色淡不紅活者血虛也以四物湯加減服之但地黃大能滯血不可輕用不得已須姜汁炒過

人乳補血甚捷加酒少許佐之且血非氣不行又如四物於保元之中爲陽生陰長之義

一痘正出好飲水者此乃脾胃虛弱津液枯涸故也如恣飲則必傷脾洩瀉及發泡難醫之患保元湯加麥冬五味子止之

一痘未起壯而頭面先腫者乃陰虛陽盛大下四物湯加人乳好酒服之以補陰與



陽齊然陽易補陰難補宜急急勿遲否則悞事

一出即變黑者此爲惡候如有起興急用託裏解毒之劑少用保元大加紫草紅花服之外用四聖散點之然早能涼血解毒必無此患亦多因脾胃衰弱血熱所致凡紅變白白變黃者生紅變紫紫變黑者死

一痘全藉氣勻血活腠理疎通則出快而稀疎亦無餘症倘遇寒凍及勞役瘦弱之人血凝氣滯出則不快蓄於皮膚之間肌肉之上進退兩難日久變成墨紫禍不旋踵凡有此候當按令急與和劑如羌活散之類以疎利之其毒氣隨痘而出庶無變症保合太和之兆也 如頭面出不快此太陽經當用荆芥甘草羌活防風天麻湯 如胸腹出不快此少陽經當用升麻紫草木通紫蘇羌活湯 如四肢出不快當用芍藥紫蘇葛根甘草葱白連鬚羌活湯各加生姜連進二服痘即出快

賊痘

凡賊痘與好痘一般但攪先起壯皮嫩嬌軟內係淡膿當用保元湯加占米煎服亦能回漿

凡出其色掀赤抹過皮軟不碍指此係賊痘過三日變成水泡甚至紫泡黑泡者危症也若未成紫黑宜少進保元大加紫草蟬退紅花解之或燈草木通湯調六一散利去心經蘊熱而紅紫自退如已成水泡白泡或灰白色則保元中大下四苓利之此千金妙法也不然則遍身抓破黑爛而死

起壯三日證治活法

凡四五日來起壯活動一線紅暈而有根窠此爲上吉蓋有根窠方見氣勻血活血活則毒化成漿收功結痂全藉此也若無根窠必是氣凝血滯按法速治

凡起壯肥滿乳食如常不必服藥

一四五日來起壯肥大中有一小孔自頂直下至脚不黑不白與痘色相並此名蚌痘由表虛腠疎而然若不早治大洩元氣不能起發灌膿急用保元湯夫加占米川芎肉桂提起內膿以實其孔庶爲佳兆三二劑後孔自塞滿若孔色黑乃疔也以療法治之

一頂陷色白皮薄光洞者氣虛也 火照內外光明者是 大進保元倍加酒炒黃芪肉桂

川芎丁香人乳酒漿和服

一根窠淡枯澁不澤血虛也宜保元加酒炒紅花川芎當歸芍藥加山查以消參芪之滯再加木香一二分調氣氣調而血自活矣

四五日痘色不宜紅紫乃熱毒不化若血熱仍當涼血解毒兼氣虛者保元加紫草

木通紅花生地之類解之

一地紅血散乃血不附氣保元加當歸大加白芍藥以收斂之蓋芍藥味酸用之爲君使血得以附氣且又能活血化漿此最上一乘之法切記切記

洩瀉按寒熱急治至此再不宜瀉

若起壯遲緩根脚不紅活者以無價散 一歲二釐 看大小用之好酒調服或保元加



人乳好酒丁香占米山查血虛者加當歸鹿角膠

一黑陷及痘疔外用四聖散以油胭脂調點之內以涼血解毒如紫草紅花木通其根少加保元進之其疔自退疔退看其虛實仍以保元補之

一煩躁者內必有熱可用木通以引其火下行或以六一散燈心湯調俟冷服之

譚語者加三制辰砂夏月井泉水服

如飲食不進看痘色何如未可輕投藥劑蓋其間有毒氣未盡者且山查紅花子紫草等藥清而解之如脾胃虛弱痘色淡白宜保元加山查扁荳神麩

藿香

一癩痘頭面上未出從足底出起逆而上之縱起壯灌膿回至心窩下則毒攻入內

大叫一聲昏迷而死雖疎快亦不免死乃逆症也候其出齊至頭面遂早丟去下身不治只將保元大加川芎以升提之漸漸使其自上而下起壯灌膿自上而下收斂結痂如常痘一般此鮮有知其妙者宜謹誌之此逆痘若治之早以黃連

解毒湯一帖以護其心可十全三五遲則百無二三矣

翁仲仁曰三日四日痘常出齊點至足心勢方安定猶有陸續不出之狀或隱隱於皮膚之內不見不起者古名不快若非風寒鬱遏之因必有氣虛不振之過是以四日已前痘毒方出身表宜涼四日已後毒出已定身宜溫涼則氣血和平痘色必然潤澤溫則腠理開通其毒易以成漿故至此而身不微熱雖未必至於冰伏而痘瘡斷乎不長四五日來血包已成候當肥大而粗頂宜發光而白故根紅而

赤水 卷二十七
頂白者已具行漿之勢若還赤色過頭雖見嬌紅可愛延綿六日依然到頭空殼
虛花皮薄而光亮如燈內含是水頂尖而根脚不紅行漿勿實是以毒熱盛而毒
解則爲紫爲黑壅而不起則爲陷爲癩滯而不榮則爲乾爲枯爲青爲灰性而不
振則爲不快爲停漿或有肉先腫脹而痘反不起者漿則滯而不行面已虛汗而
痘反退伏者毒則遏而不進故身不熱而痘不起已成冰硬之形赤色若還不變
溫之可興氣血弱而不振遂成不快之狀紅潤依然如舊補之可生紫色乾枯切
忌溫中帶補只宜活血鬆肌爲壅爲滯烈藥雖然可發透肌尤是良方塘泮推於
溫補瀉甚佐以升提

凡起壯時痘之根脚全然不起其頭面皮肉紅腫如瓜之狀者死 起壯時腰腹疼

疼或止遍身紫點如蚊蚤咬全不起發者死 起壯時痘伏陷不起腹中膨脹不

能飲食氣促神昏者死畧能飲食用消膨藥治之 起壯時遍身黑陷悶亂不寧

神昏氣潰者死 起壯時根窠紫色乾燥不活全然不起發者死

頂陷不起須看年壽上痘起則不必憂如年壽上不起急與升天散一二服

痘半起忽然平陷而色白者急與內託散或補中益氣湯

痘色紅鮮反乾燥而不充肥者此火盛而血不足也宜退火涼血輕清之劑四物快

斑湯主之

痘充肥而帶濕者此脾中有濕而氣不足也宜瀉濕補氣兼風藥治之蓋風能勝濕
也四君快斑湯主之

一痘不起發不拘五陷用獨聖散或胡荽酒 若黑陷腹脹用猪尾膏

一痘乾尅不起者外用水楊湯洗之內服補中益氣湯

一起脹時手足見而復隱起而復塌者死此根本已摧枝葉先萎之象也

凡假壯之痘其中有數粒起壯者是也至十二三日決不能回漿結靨內攻而死

白痘者可急進保元加川芎丁香生占米提氣灌膿而愈此內託法也內託散即

保元加川芎便是不必千金內託散正壯之時痘雖起發而皮膚不碍手按之水

漿就出內色不暗是也

灌膿三朝症治活法

灌膿時根窠紅潤肥滿如黃蠟色飲食二便如常者上吉不須服藥

灌膿時皮白而薄純是清水與水泡相似者三四日後遍身抓破而死

灌膿時吐利不止或二便下血乳食不化痘爛無膿者死若二便不下血猶可用止

瀉及消食之藥

灌膿時二便閉目合聲啞腹中脹滿肌肉黑者死

一頂陷無膿爲逆火照之內外光洞手按之軟陷者無膿也火照之內暗不光洞按

之如鼓者有膿也急用保元加歸芍肉桂木香占米煎成入人乳好酒溫服

有一等肥白痘其色白不作膿俗名木痘以其人原有痰也用二陳四物湯合而服

之一消一補仍將小麥粉作麵調與食之立時膿起紅活但不可妄投人參占米

助胃中痰火恐防口疳



寒戰咬牙乃陰盛陽虛也。大用保元加川芎肉桂丁香主之。甚者加鹿茸。痘灌膿痛不止者氣滯也。少用保元加山查木香以行滯氣。如膿血已滿可大用四

苓以利之而痛自止。

凡灌膿三朝之內身涼痘灰白色或不進飲食寒氣逆上嘔吐或腹脹或瀉清水手足厥冷無陽症也。急用二神加入保元連進數服溫而補之。

痒癢不止者血盛也。少用保元大加何首烏牛旁子蟬退芍藥木香紅花。若將膠時微痒者不必治。有氣血虛而痒者十全大補湯加何首烏虛甚者加鹿角膠。

一發白泡如彈子大者用棗針挑破去水以活石末敷之。仍服保元加白朮留皮茯苓以利皮膚之水。如前後發紫泡是毒盛溢於皮膚之上必死。

夫膿者血之化也。有血方有膿。無血則無膿。痘至灌膿大勢已定。故此時必有膿為主。有膿則生無膿則死。痘至七日若頂陷不能灌膿者必由先失調治故也。急看根窠血聚別無雜症。速宜大補氣血以充其頂。頂滿膿足猶可回生。若頂陷而

色灰白此氣血俱離無能為矣。

一頂陷無膿服內託藥而暫起不久又陷者膿未充足故也。宜內託散倍加參芪當

歸煎和人乳占米好酒服。

若色灰白欲成倒塌皮薄易破者用淫羊補漿湯保元湯加芎歸升麻人乳好酒。

一痘色紅紫漿不滿足欲成乾枯黑陷者當歸活血散合解毒湯加升麻石膏乾葛。

一遍身潛膿忽然一日變白變紅變紫者不可不察。白者為虛宜內託散。變紅紫。



爲熱宜當歸活血散合解毒湯

一痘起壯灌膿俱好至八日大便忽秘常欲去而不能去急用歸尾枳殼芝蔴各三錢紫草生地黃芩各一錢煎服即通若失治歷時忽然發熱而死 翁仲仁三治膏尤妙

一頂平脚闊漿不滿足十全大補湯加木香乾姜

一遍身無皮膿水流沾衣蓆不能轉動者用秘傳茶葉方或敗草散內服內託散去桂加荊芥穗

一痘發痒滿面抓去而面上瘡痕隱然點點有起發之勢此猶可治急以託裏發毒止痒之藥用內託散加蟬退立驗

一痘抓破而出血者此陽瘡出血也宜當歸涼血湯主之

一灰白慘黯皮薄擦破無膿血者不治

二便不通目閉聲啞腹中脹滿肌肉黎黑者不治

一瘡爛無膿吐利不止二便下血乳食不化者不治

一痘未起頂但脚漸闊至七八日乾枯瘡皮皺起誤認結痂收靨者多不可救急與補血解毒之劑庶可回生

一灌膿時眉心鼻準耳輪唇口及兩頰先有焦枯黑靨者此名倒陷不治

收靨三朝證治活法

凡收靨自上而下者順自下而上者逆



痘至收靨大勢已定亦有膿不滿足似靨而非真靨者此時極宜明辯若七日之間面目腫惟覺退痘雖似乾而痲薄如紙或有內症未除此痘極險時也失治則凶變立至急以補血涼解之劑庶或轉移

一痘至十日血盡毒解其膿漸乾如瘡蠟色或如葡萄色從口鼻兩傍或面部收起至胸腹而下然後領上與脚背一齊結靨逐漸剝落內症全無身漸輕快飲食二便如常者吉或手足心或手指尖或陰上先收者俱吉

一人中者任督二脉交會之衢也凡痘自初出至收靨俱要在此部位先見者佳謂陰陽和暢也

一痘收靨自人中平分上下髮際以上陽中之陽也謂之孤陽足膝以下陰中之陰也謂之孤陰孤陽寡陰所以痘瘡之收至此二處每遲留而後靨也不必施治一鼻梁上痘先焦者任是凶逆亦不死

一痘當靨而流漿不已者因表散太過則斑爛流水或飲水多則漂蕩水但服保元湯加防風白芷白朮或除濕湯外以敗草散敷之

一當靨不靨而膿充足服回漿散或象牙散

一痘有靨至頭或至腰而下身數日不靨者此乃熱毒太盛不能收靨故也治當有熱則清之若小便利者四苓散加芩連滑石木通大便秘結者當歸解毒湯利之

一痘當靨不靨忽然變動灰白頂陷吐瀉腹脹寒戰咬牙者急與內助丹 若痒塌

氣促足冷者加附子有水泡者大加白朮行去惡水而膿自乾矣

一血盡漿足溫潤不斂者內虛也保元加芩朮以助收斂結痂或六君子湯

一當膿不膿發熱譫語目閉口喘手足大亂小水不利者此熱毒乘於肺經無陰氣

以收之然也急用清金導赤飲主之

一漿未稠濃頂未飽滿面腫忽退目閉忽開瘡脚散闊色白皮皺乾燥似腐非腐此

因津液枯竭血氣虛少內證未除之故此症之極險者也急用四君子加麥門冬

牛旁子荆芥連翹桔梗救之若誤認作結痂無事致成危殆悲哉

一膿後不能結痂反成腐爛和皮脫去者此倒膿也係中氣不足急用保元湯加

歸牛子連翹薄荷桂木香治之其頭面瘡已破者復加腫灌手足遍身原無瘡處又

復出一層謂之補空若治之頭面不腫空處不補不旋踵而告變矣

一收膿時忽泄膿血痂皮者此亦倒膿之症乃脾強腎弱為順利盡自愈不必施治

如利下水穀不分者此腎強脾弱也急用陳氏木香散送下豈慈丸

一痘因冬月嚴寒被寒氣鬱遏而不能膿者以桂枝解毒湯治之

一痘因夏月炎暑熱氣薰蒸而不能膿者甘露解毒湯微利之

一遍身俱收惟頭與足不收者此陰陽不和故也以四物湯去地黃加牛膝升麻牛

旁紅花荆芥之類

一多服熱藥以致熱毒猖狂痘爛不膿者小柴胡湯合回漿散或天水散或猪尾膏

外以黃連輕粉為末柏油調敷或用猪胆汁研芒硝如膏塗之 古人用猪尾膏



獲效神速者蓋以熱毒蘊併於心經致熱毒內外灌注而不結痂用此方者以血歸心引龍腦以涼之而行營衛况營衛得香則行遇臭則止也

一收斂時有臭氣帶腥者佳全無氣息尙有餘毒未發也若臭氣如爛肉不可近雖似結痂未可爲真急以清熱活血緩則無濟

一瘡欲收而唇口乾紫連結渣滓頰紅者將成肺癰也宜解毒湯麥冬知母百合甚則大連翹飲

一凡痘係危症氣血本虛多服補劑而漸有膿色將收斂雖有熱者只可於補劑中加涼藥可也若謂將斂而去補劑竟與涼藥更加下利藥欲令速斂是速其斂也蓋虛者復虛毒反內攻而死此必然之理又已然之驗也

逆症不治 痘當靨遍身未見青膿黃色之漿而口唇上下痘先黃熟者毒氣內攻脾也不治

一痘收斂時不吃飲食口唇常如食物而動不止者不治
落痂症及斂後餘症

一痘瘡收後痂厚落遲離肉不粘者吉

一痂落疤帶紅色而不凹凸更無他症飲食二便如常者吉

一自食痘痂者雖有他症不死

一痘已結痂而不焦落者餘熱爲害也大連翹飲去紫草加地骨皮

一痘痂至半月或一月不落或發痒者此因表發太過致肌肉不密無力收斂故也

宜人參固肌湯

一痲不落反見昏迷沉睡不省人事者此脾胃大虛也宜人參清神湯

一痲雖乾好但半邊掀起半邊粘着不能脫落者此過用辛熱之藥熱留肌表也宜升麻葛根湯加防風荆芥蟬退連翹以去肌表之熱即落矣

一疤紅紫者乃血熱毒盛也當涼血解毒

一疤白者血不足也不治雖過四十日還死此因漿水淡故疤白急用保元湯合四物湯加白朮陳皮紅花老米

一痲後身熱不退或寒熱往來用小柴胡湯虛則補中益氣湯俱加黃芩

一痲後唇乾口渴熱甚不解者大連翹飲主之 痲後虛煩不眠者竹葉石膏湯

煩渴譫語者辰砂益元散

一痲後口噤疆直腹痛遠躋冷汗如雨痛定汗止而脈弦緊者因疤受風寒也宜散

風養血用鈎藤湯加紅花木香川芎芍藥當歸甘草白朮青皮官桂生薑

一痲落肌肉尙嫩出見風早遂成癩癬有膿汁出者燒牛糞灰敷之 痲不落癩指

抓搔致成痘風瘡者宜消毒飲加苦參當歸外用金華散或乳香韶粉 遺毒生

瘡不已者活血當歸湯宜炙風池曲池二里則永不發

一痲後遍身青紫癩癩口噤痰响者由氣血虛弱而受不正之氣也用蟬退一錢姜

汁薄荷汁入酒一盞調服得汗即愈

一痲後手足忽然拘攣不能屈伸轉動者由血少不能養筋或因風寒濕三氣使之



然耳不可輕用發散反耗其血只補脾養血則瘰當歸桂枝湯治之

一痲後赤火丹毒惡候也從頭上起者過心即死從足下起者過心腎即死內服玄參化毒湯

一痲後牙齦生瘡時時出血謂之牙宣呼吸息謂之息露此走馬疳也由熱在陽明

急用蚤退散敷之如唇腫面浮穿鼻破頰潰喉腐肉飲食不入者死

一痲後發癰者皮膚間隱起成疙瘡此由毒氣未得發盡藏於皮膚或發癰搔之

而成者或因受風風火相持而成者此吉兆也欲發出無使停留以變他疾如發

太甚不已者內服防風葛根湯外用蜆子水洗之如無用六一散拂拭之

一痲後兩目不開惡見明者謂之羞明惟向暗處敢開也涼肝明目散主之 若暗

中亦不敢開者此即防目中有瘡以望月沙散治之



赤水玄珠第二十八卷痘疹心印

異痘須知

新安生生子孫一奎著輯

夫痘有似凶而吉有似吉而凶者不可不知

天根痘

諸痘不起壯而天庭或曉星起灌者乃精氣外生故曰天根十有九生

天空痘

諸痘壯氣而天庭或曉星不壯者乃血不灌頂也故曰天空十無一生

明朗痘

諸痘不起而太陽太陰獨起者吉日月為明太陰太陽之謂也

明蝕痘

諸痘起壯而太陽太陰不起者凶

流溢痘

諸痘不起而耳後方員一寸獨起者名曰宿海溢是腎經旺也可治

海枯痘

諸痘盡起而耳後方員一寸獨不起泛者腎敗也名曰星宿海枯不治

又云

頭面遍身四肢耳上俱已起泛灌膿惟左耳下外有二三粒不起灌日後唇裂齒乾如不急救必然內攻而死

後唇裂齒乾如不急救必然內攻而死

有根痘

凡痘出頭面多四肢密者十分危險若地角方員畧有數粒圓如珠者

十有十生蓋腎為根本此痘腎旺故曰有根

無根痘

諸痘俱好而地角方員陷伏乾枯或灰白不起者腎水絕也不治

抱鼻痘

面部俱稀而鼻梁左右密如蚕種者此毒聚於脾胃也名曰抱鼻痘其

危矣

單瑣口

面部俱稀而口角有一粒黑痘較諸痘獨大者名曰單瑣口

雙瑣口

若口角兩邊各有一粒者名曰雙瑣口皆惡候也



瑣項托頤 痘出遍身稀疎惟項下腿密一片以至於頤名瑣項托頤亦爲不治之症

豬頭痘 出而頭頸窩太多者急用山豆根玄參桔梗甘草生地芎歸山查木通荆芥牛子水煎遲則毒結于喉而死

逆痘 上身少下身多者名曰逆痘此無大害

兩頭痘 初標時看自胸而上自臍而下俱有而中間一截全無者是也七日內

急用人參歸芪湯去桂加蘇葉桔梗山查白芷厚朴紫草防風木通再加黃芩三十粒水煎救之出七日則難救矣

鬼捏痘 痘出遍身全無點粒其斑成片恰如打傷痕一般故名曰鬼捏不治

鬼痘 痘標既定手足胸背俱多而頭面全無者名曰鬼痘又曰無頭痘五日之內可救五日之外難救蓋氣血下行不能上升急用升麻川芎白芷蘇葉前胡

甘草桔梗防風當歸笋尖姜水煎服如不治曲池生毒一月見骨而死若身上四肢稀少者不可遂作鬼痘看

賊痘 痘初出便如綠豈過一日便如黃豈大再一日又如圓眼大名曰賊痘其痘根窠與頂全無血色形雖起脹按至虛軟至四五日上下出血而死 但比

諸痘獨大其大甚速者就是不必大如圓眼也

蛇皮痘 頭面遍身再無空地平塌而色白者係名蛇皮此必乾枯不能作漿至

十一二日必死



藥患痘 初標紅潤至四五日忽變陷伏不起將至裏虛此名爲藥患急用扶表

裏爲上

九焦痘 當額地閣顙骨胸背耳後手足皆有一二箇黑陷者名曰九焦痘不治

伏陰痘 痘不貫膿而瀉膿血故名伏陰急宜溫裏

空倉痘 痘雖肥滿而內實乾枯全無血水乃空倉也決死之症

石臼痘 痘中有凹而四弦特起明亮好看內實漿板不化以手摸之其硬如石

因形猶石臼故名之此症斷不可治

茱萸痘 痘不甚起而中亦有凹四弦皆有縐紋以其形似茱萸故名之也若得

根窠紅活者服內托散去防風白芷頂中發黑點者保元湯加芎桂身壯熱者

入酒炒黃芩

虫痘 痘瘡痒甚者不必夏月中蠅生蛆雖寒月亦有用簪挑去而愈或謂用柳

條鋪下令兒臥於上則蛆自出此蓋毒留於皮膚延綿日久臍膚熱腐故耳譬

之腐草爲螢朽木生蠹其理一也

血疱痘 血疱痘者血協熱毒而自漿也刺瘡血猶紅者尙可治急與犀角地黃

湯加白芍以制血解毒血黑者不治身熱者小柴胡湯加生地血漿不能收壓

者紫草煎湯調下龍腦膏

血醫痘 痘出稀少四五日肿如碗豆六七日血醫痂乾亦似丹砂九日而痂落

此氣血充足毒少故隨出隨痂不及釀膿也此痘極佳百無一二



中醫藥大學圖書館

白漿痘 痘初起發瘡頭便帶白漿者此疫癘痘也但有此便不可治主七日死
四圍痘 若瘡起發根窠四畔又旋出小痘攢簇本瘡或發似粟米不待養 漿
即加搔痒而死

漏瘡痘 瘡出頭有孔膿水漏出堆聚乾結其色如天疱瘡及癩頭之形者或清
水非膿無事自破水去而乾黑者此皆屬氣所為傳染相似俗名漏瘡未有能
治者矣

蛀痘 起腫時痘上有小孔不黑不白名曰蛀痘皆腠理不密而有是痘大泄元
氣急用保元湯加丁香肉桂其孔一密而痘自起也

隱血斑 其形如豆殼灰白全無血色擦破而後血出亦無膿血故曰隱血斑也
不治

赤萍瘡 痘已出齊或未齊如赤浮萍微微高起若爬出有血急以解毒升發藥
救之如成爛痘則無妨矣

紫萍瘡 痘已出齊紫色不起不灌漿如浮萍貼在肉上者不治

白萍瘡 同上

草尾珠 其痘遍身俱陷惟骹骨一團飽滿如珠此症可治補托灌膿即痊矣
黑痘 盧廉夫曰黑痘多屬血熱黑痘本為惡證世醫恒棄而不治然形狀多端
猶可解救須當辨而治之但血不活者則難救矣

一痘紫黑或黑點子隱在皮膚之間者無比散或人牙散用猪尾血三五滴酒調



下小兒三分大人五分

一初出便是黑點急用紫草茸二三錢醇酒半盞煎至三分濾渣與服爲妙
一其形如痣皮膚發青紫紋者服透肌散或加防風荆芥
一形如牽牛而色瘀敗又黑痕併黑靨者並用蟬退二十五箇紫草茸一錢水煎服

一痘黑如煤炭血不紅活者用活血散一錢酒煎紫草湯下

一痘黑而皮膚皆黑成片者化毒湯加蟬退地骨皮酒炒黃芩

一痘黑大而軟者氣弱而熱毒盛也用保元加紫草

一痘焦黑潮熱煩躁者小無比散并水磨犀角調下一錢

氣血兩敗痘 近看猶如水蓼花 遠望胭脂紫可誇 臨漿清水不成膿 古

聖神農無治法

復出痘 先見標一二點于面部或口唇上下如常起脹貫漿收靨不知者以爲

痘本稀少故也然以火照之紅點隱隱然藏于皮膚之內急用內托解散則痘

復出不然頤下決發一毒不急散其毒而發其痘即死

雲翼子二十八般異痘姑錄于后以備參看

一彤雲繞頂 遍身痘好但頭頂一片紅赤者乃熱毒盛于膀胱也須濟利之

一紫雲灌頂 遍身痘好但頭頂紫乾陷伏不起者不治

一烏紗覆頂 其症必咽喉啞塞鼻氣大粗乃血衰氣敗而元陽脫也不治



一 梨花漫頂 用保元湯加天雄猶或可救

一 雲掩天庭 遍身磊落光澤惟額上一片血疱如雲者乃心家客熱甚也急應

犀玳服之

一 紫萍鋪額 其症熱甚咽痛悶亂發狂用小無比散加玄參升麻犀角

烏紗落額 不治

一 灰撲印堂 此症心家少血也若家腹脹咽乾用保元湯加白芍涼血解毒湯

好

一 楊花撲面 用內托散加天雄

一 赤珠繞唇 此乃脾經極熱也用小比散加雄黃

一 烏飯沾唇 此證必聲啞神昏目精不轉四肢厥冷喉响如鋸三朝七日乃死

期也

一 霞錦穿胸 此因火毒淫盛不治之症

一 紫雲佈胸 此症血枯氣滯毒來攻胸也其症必咬牙戰掉口唇焦裂頃刻命

傾矣

一 黑棋排胸 三朝決死

一 柳絮飛胸 此乃血氣枯弱也保元湯加芎歸附主之

一 桃花映背 此症清火解毒可生

一 紫萍浮背 不治



一黑砂落背 不治

一雪鋪魚背 此血已枯盡也不治

一赤鱗穿腹 此症必大便秘小便淋澁乃胃家熱甚也用五苓甘露以和解

一黑段纏腹 此症必肚內膨脹聲音啞二日終矣

一白梨墮腹 氣血衰敗也半月之間發驚而死

一葡萄落地 臀間紅紫一片若葡萄者兩日命終

一爛粟居臀 遍身俱好惟臀上一片如粟殼臭爛者托補下元可轉

一榴花散野 諸痘俱好惟四肢紅赤而唇口崩裂者乃心脾肺三經熱也須涼

血清火解毒

一黑珠遍體 四肢枯黑如火燒柴頭口中涎出氣冷朝夕死矣

一楊花墮枝 手足獨灰白者氣凝血滯也八珍湯加附子治之

婦女痘

童女出痘與童男相同無以議也但天癸通者則治法不能不異且夫發熱之初適

遇經水如期而至則熱隨血解痘出亦輕不須服藥若過三四日而熱不止痘不

出者此熱入血室血必妄行為內動中虛之患宜涼血地黃湯加人參治之

一非經行之期於發熱之際而經忽至者此毒火內熾逼血妄行之故必痘多而毒

盛急用涼血解毒湯倍加連翹牛蒡使熱得清毒得解痘得出經得止使無他變

遲則內虛痘必陷矣柳花散佳



一 正當起發灌漿之時適遇經行過三日不止痘應起發而不起發應灌漿而不灌漿頂平形塌或灰白或黑陷此爲經血去多陰血虧耗必爲陷伏壞症矣急以入物湯去地黃加黃耆木香熟附子以調元氣或葫荑酒噴之使痘起發灌漿或出增痘者爲吉若寒戰咬牙喘急腫滿手足厥冷者爲內脫不治之症矣

一起發灌漿之時經水適來忽口瘡而不能言者乃血入少陰不能上榮於口也宜先以當歸養心湯主之俟其能言後以大補湯治之或豬心血調服亦可

一 經水不斷之時適逢出痘身發壯熱神思昏沉言語狂妄如見鬼神尋衣撮空此者魂亂也目妄見者視亂也妄言者肝移熱于心也宜瀉肝散或小柴胡湯加生地丹皮

一 正直崩漏不止氣血俱虛之後適逢出痘此必不能勝任宜大補其氣血以十全大補湯八物湯加木香黃芪官桂主之使裏氣充足毒無留停更能飲食則可保全否則倒塌不治矣

一 向來經閉不通血海乾涸適逢出痘毒氣拂鬱於衝任之間二陽之併發其熱必甚若攻擊之則血妄行不止痘亦不出爲喘急爲腫脹爲陷伏矣須調其心脾使毒得發洩庶可以保其生以歸脾湯逍遙散治之脾和食進然亦方可收功

一 痘瘡起發至泡漿數日最宜表裏無病飲食如常若當此時忽然行經者人但知厭穢以觸正痘殊不知此乃本身之血不爲之厭但恐血去裏虛防生陷伏之變

急宜救裏解毒大補湯主之

一 妊婦最忌出痘蓋熱能動胎胎落則血氣衰敗痘必不能起發灌漿命其危矣故孕婦出痘深爲可慮蓋痘之用藥多主溫補如半夏肉桂之類皆妊婦所忌而身附又非痘家所宜凡遇此症者不問輕重悉以清熱安胎爲主不可觸動其胎真安胎散加黃芩芍藥主之血動者四物湯加芩連治之及單胎散佐之身熱足冷腹脹者八物湯加木香脾氣虛不進飲食毒發不出者四君子湯加木香糯米紫草胎動不安者安胎散加砂仁痘出稠密者參芪內托散加紫草芍藥當歸單身熱有外邪無內症者參蘇飲加木香更以如聖散爲主隨症加減如初發熱加麻葛根連翹痘出太甚加酒炒黃芩大力子山查連翹不起發加大力子白芍藥口渴加麥冬知母天花粉痰多加半夏所謂可擾而擾似乎無擾故雖有胎不忌半夏也

一 痘正在起發灌漿之時忽遇坐草分娩之期此氣血俱虛之候宜大補湯加熟附子主之以補氣血固表裏若產後小腹急痛者此血未盡也黑神散畧與行之不必拘泥若寒戰咬牙腹脹作渴足冷身熱者此脾胃內虛外作假熱也大補湯加熟附一二劑更用四君子湯加黃芪當歸陳皮木香多服止者吉不止者凶

一 疹後十日或半月之間適逢出痘此無胎孕繫累只以大補氣血爲主以大補湯或八物湯去芍藥痘出多加連翹大力子大便自利者加肉荳蔻只照常一體用藥施治不必妄爲而多疑之反致誤事

一痘疹要訣曰：妊婦出痘收靨之時胎落者多無事，若發熱初出之時胎落者猶或可救。若時當起脹灌膿而有犯此者多死。蓋血氣衰敗無以逐其毒也。

一痘已出未出不起不發，隱在皮膚并治麻症斑症。用梅花一兩、桃仁二錢、絲瓜五錢、辰砂二錢、甘草二錢為末，每服五分參蘇湯下。

一痘不問前後凡黑陷咬牙寒戰，用梅花六錢、川山甲一兩、仙靈脾五錢、射香一錢為末，每服三五分，咬牙寒戰加人牙二三釐內托散送下。

快斑散 貫衆 赤芍藥各二兩 甘草 升麻 枳殼炒各五錢 右為末每服一錢

水一盞竹葉七片煎至五分溫服看大小與之按貫衆主腹中諸熱邪毒其

西來甘露飲 清熱解毒如神凡發熱之初五日已前而熱不退痘色紅紫口渴大便結燥服之即能紅潤 亦治疹家煩熱口乾咳嗽疹色燥或謔語喘急睡臥不安 絲瓜藤 霜降後三日近根二尺剪斷將根頭一節倒插入新瓦瓶中上

以物掩之勿使灰塵飛入次日以好新罈一隻將瓶中之汁傾在罈中仍將藤照前插入瓶內三日後汁收盡將罈封固收藏聽後取用○若發熱煩躁口渴未見

紅點將茜根一兩水煎濃汁二酒盃攪絲瓜藤汁二酒盃相和服之立安痘出亦輕○若已見標顏色紅紫及稠密者用紫草煎濃湯沖服便見紅潤○若夾斑者

犀角紫草茜根煎湯沖服寒月用酒煎沖服○蓋此汁極能解毒清熱尤治天行時疫每以生姜汁少許加蜂蜜調勻服之有神功

時疫每以生姜汁少許加蜂蜜調勻服之有神功



渾元汁 即紫河車不拘男女初胎者尤妙入新瓦罐內封固其口上以碗覆埋於

土中久則化而為水是也 專治氣虛血熱痘色紅紫乾枯黑陷等症以此汁清

而補之其效立見氣虛甚者人參紫草煎濃湯沖入服之 已上二方有力之家

可多收貯愈久愈佳臨症極便勝如積金寶造浮屠也

李氏敗毒散 治初熱壯盛等症 即前敗毒散加升麻荊芥牛蒡子蟬退血查地

骨皮薄荷紫蘇紫草 減獨活柴胡茯苓人參 右姜一片水煎臨服加葱白汁

五茶匙 如熱甚加柴胡黃芩 夏加香薷 冬加麻黃 瀉加猪苓澤瀉

蘇解散 治痘初壯熱頭疼腰疼腹疼作脹一切熱毒甚者 紫蘇 葛根 防風

荊芥 白芷 蟬退 紫草 升麻 牛子 木通 甘草 各等分加燈心

葱白各七根水煎熱服

升麻葛根湯 治初熱壯盛疑似未明服此或痘已出而表熱甚不退 李氏加紫

蘇五分笄尖山查牛子各一錢冬月加麻黃一錢令痘易出易斂

和解湯 解表和中 升麻 乾葛各一錢半白芍一錢 人參 防風各七分 川芎八分

甘草五分 姜一片水煎服

解澤疎痘湯 預服解熱去毒 已出解熱毒斑疹又治紅紫口乾壯熱譫語

防風 荊芥 羌活 柴胡 川芎 白芷 當歸 連翹 黃芩 黃連

麻黃 紫草 蟬退 右姜葱水煎服

加味葛根湯 治痘失表發熱譫語 升麻 葛根 赤芍 甘草 桔梗 柴胡

荆芥 防風 連翹 牛蒡子 木通 右水煎服

大靈丹 治壯熱癩狂驚搐譫語紅紫斑焦乾陷一切惡症 白滑石飛過三兩

雄黃飛過 犀角各三錢 辰砂飛過三錢半 牛黃 冰片各二錢 射香 五分 右研

極細和勻用升麻甘草防風薄荷燈草牛子紅紫草黃連各三錢水一碗煎

至半碗細絹濾去渣加蜜四兩同熬滴水成珠和前藥丸如小龍眼大

為衣每用一丸燈心湯下暑月冷水化下

無比散 初熱服之甚能稀痘 又治痘夾黑點子 及黑陷黑痘等症

冰片 射香 牛黃各五分如無牛黃用牛胆南星代之 膩粉二錢 一方有蟾酥

右研細末一歲兒服一字大者五分刺猪尾血三兩點新汲水調和送下

下惡毒如爛魚腸葡萄穗狀即愈

小無比散 治痘壯熱口渴小水澁大便秘口氣熱煩躁不寧或焦紫或紅斑自發

熱至起壯時有熱者皆可用痘後餘熱亦可用 桂府滑石飛過六兩石膏飛過一兩

粉草 寒水石各五錢 鬱金蟬肚小者甘草湯煮乾為末七錢 右俱製淨末和勻

每五歲者服二錢大人再加 冬月燈心湯下 夏月井水調下 熱甚不

解者井水磨犀角汁調下 若紅紫頂陷不起加川山甲末一分射香半分

紫草煎湯加酒一二匙調下即起

大無比散 治熱毒大甚驚狂譫語引飲痘瘡紅紫黑陷 桂府滑石飛過八兩

粉草一兩 辰砂飛三錢 雄黃飛一錢 右末每三五歲服一錢十歲服二錢發



熱之初用敗毒散調下亦能稀痘 若報痘後用燈心湯下

退火回生散 治痘熱甚發渴紅紫黑陷 滑石一錢 辰砂一分 冰片三厘

冷水調下得睡少時神安氣靜痘轉紅活

龍腦膏

痘毒出不透心煩狂亂如見鬼神或已出未出留伏黑惡毒等症

研末新宰猪心血和丸圓眼核大 小兒服半丸 大人服一丸 凡狂妄

煩躁者心經毒盛也紫草湯下 昏瞶不醒者伏熱在心經也并花水

血痘漿不回者紫草湯下 漿坐痘陷者溫酒化下

天真膏

治黑陷乾枯紅紫及斑不退用此救之十全四五 初生小兒解下黑紫

用磁罐收貯加水銀二兩射香一錢黃蠟封口埋於土中愈久愈妙久則化而

為水每遇前症看兒大小熱毒盛者量與二三茶匙酒煎紫草湯對半和勻服

之立時紅潤活澤真秘方也較之天靈蓋枯臭無益之物萬萬矣緣此糞原係

母之真血所化蓋以血補血且入土日久又得陰氣多故能解毒 百日內小

兒熱而煩躁啼哭不止用少許點入眼角二三次便能神安氣和而睡蓋又能

清心熱也

猪尾膏

治同龍腦膏但此二方俱以龍腦為劑虛寒者不可用惟實熱則有功

凡痘過服熱藥昏味不知人事者取猪尾血以龍腦和為丸圓眼核大溫酒化下

按猪尾乃動物取其血用之使毒活動化漿而達於外也

一凡痘倒靨心神不安者片腦五分辰砂一錢猪尾血爛研膏用木香磨湯化下



一凡痘不化漿倒靨者片腦一分猪尾血一錢同研新汲水調下

藏靈龍腦散 治痘黑陷 藏靈仙一錢炒為末片腦一分 右用溫水調下取下瘡

瘡為效

獨聖散 痘不起頂或紫黑陷倒靨服此即時紅活起發有起死回生之功又名奪

命丹 川山甲酒炒成珠一錢取前足及嘴角者佳 麝香一分 右末每小兒三分大者

五分用木香煎湯入少酒調下 熱甚者紫草湯下

宋杏莊方內加炒紅麴川烏炒焦各五分名曰一七金葱湯下

大成散 治痘出不快或頂陷或灰白黑陷一切不起發之症俱可用之 川山甲

酒炒一兩甘草末三錢 雄黃 硃砂各一錢半紫草三錢 射香二分 右每五歲兒

用二分冷症熱酒調下 熱症紫草湯下 寒者加入治中散內用 熱症

加入小無比散內

人牙散 治痘不起發黑陷或紅紫黑斑咬牙寒戰 人牙自落者不拘多少火煨存性淬

入韭菜汁內大牙三次小牙二次研極細末入射香一分或加紅麴二分 右用雞冠血調成膏

好酒半盞人乳半盞入葱白一撮煎湯送下

凡服牙齒不可過多每服止三分多則陽氣盡出於表恐痘斑爛無血色陰氣內盛

必裏寒而濡泄急以四君子加芎歸服之

無憂散 治臨危痘症寒戰咬牙 人牙如上製一錢 雄黃 珍珠各五分 一方有牛

黃五分 右末每服三五分多則一錢荔枝煎湯下



無價散 治黑陷欲死者 一方加射香水片少許用無病小兒糞臘月將傾銀錢

二箇上下合定鹽泥固濟火煨通紅取出為末蜜水調服一錢

烏金膏 治發熱至七日已前或因風寒痘不起發或紅紫或驚搐俱可用 姜蚕

酒洗 全蝎去尾酒洗甘草 紫草 白附子味苦內白者真 麻黃各五錢 川山甲

炒末二錢半 蟬退去頭足酒洗淨二錢 右為末將紅花紫草各一兩好酒一鍾熬去

大半去渣入蜜五兩慢火同熬滴水成珠為度丸如龍眼核大每服一丸燈

心湯化下

紫金散 治出不快及倒靨 亦治遠年不愈惡瘡 紫草 蛇退炒焦牛旁子炒各

五錢 右為細末每服一錢水半鍾煎減半温服

連翹升麻湯 治痘一發蜜如針頭形勢重者當輕其表而涼其內 連翹 升麻

黃芩 葛根各一錢 麥門冬去心二錢 右水煎服

清地退火湯 治痘帶熱而出名為火裏苗急用此方以退其熱則後無青黑變陷

之候 地骨皮 地膚子各一錢 牛旁子 紫草 葛根各八分 連翹六分 當歸

五分 木通三分 蟬脫二分 姜一片煎服如熱不退再服一劑或為末燈心湯服

紫草透肌湯 治痘熱而出不快及頂陷者 紫草一錢 升麻五分 牛子 防風

荆芥 黃耆各八分 甘草三分 木香五分 右姜水煎服 如色紫腹痛加蟬

退一錢

化毒湯 治痘已出而熱毒未解宜清熱涼血毒一解不致黑陷血一涼不致紅紫



紫草 升麻 甘草 蟬退 地骨皮 黃芩酒炒 木通 各等分水煎服

解毒散 治毒先發腫者名爲痘母後發者十有九死先發者吉 金銀花五兩

甘草一兩 木通 防風 荆芥 連翹 牛子各三錢 右用酒水各一鍾煎

服 如泄加訶子荳蔻痘紅者加炒黃芩芍藥 瘡痒者加歸身生地或加

何首烏尤佳 疼痛者加赤藥

透骨解毒湯 治寒戰咬牙 紫草 甘草 當歸 防風 陳皮 赤芍 右等

分水煎服

消毒飲 痘已出上焦熱胸膈不快及痘後癰毒麻疹熱毒 荆芥 牛子各三錢

甘草一錢 右姜二片水煎服

如聖湯 痘已出身熱如火 紫草 升麻 葛根 白芍 甘草 木通 猴梨

各等分加姜一片葱白三莖水煎熱服心煩加麥冬赤茯苓煩渴加生脉散

七八九日身如火者加酒炒黃芩地骨皮

四聖散 黑陷倒靨不起發不紅活小便不利 紫草 黃芩 甘草 木通 右

水煎服 熱甚色紫倍加紫草芍連紅花大便秘加枳殼如常加糯米

加味四聖散 痘出不快及變陷倒靨小便赤身熱未退或復冒風者 紫草

黃芩 人參 甘草 川芎 蟬退 木通 木香 大便秘加枳殼 不秘

加糯米百粒水煎服

涼血解毒湯 痘出熱不退紅不分地或痘苗乾枯黑陷急用此方可起壯灌漿



紫草一錢 生地 柴胡各八分 牡丹皮七分 赤芍 蘇木 防風 荊芥

黃連 木通各三分 牛子四分 天麻 紅花 甘草各二分 姜一片 燈心二十

根糯米百粒水煎服

惺惺散 治痘頭痛壯熱喘急此攻毒散熱之劑 人參 白朮 茯苓

桔梗 細辛 川芎各五分 薄荷 一方無川芎加天花粉 姜三片棗一枚

水煎

內托散 痘不起發根窠或紅或灰白色咬牙寒戰等症 人參 黃耆

川芎 當歸 防風 白芷 桔梗 白芍 厚朴 木香 肉桂 右姜一

片棗一枚水煎 色紅紫者去肉桂木香加紫草蟬退 漿不滿水酒各半

煎服 色淡白者去防風白芷加糯米 大便燥加人乳

蟬退膏 蟬退酒洗去頭足 當歸 防風 甘草 川芎 荊芥穗 升麻 白芍各

等分 右為末煉蜜丸芡實大每服一丸薄荷湯化下

粉紅丸 又名溫驚丸 治痘後癩癩症 牛胆南星四兩 辰砂一錢半 天竺黃五錢

冰片五分 胭脂丕一錢 右為末牛胆汁和為丸雞豉子大每服一丸小者半

丸沙糖溫水化下

大保元湯 治頂陷根窠雖紅而皮軟薄血有餘而氣不足 黃芪三錢 人參一錢半

甘草 川芎各一錢 官桂一分 加姜棗水煎服 如氣不行加木香減去桂

若不食加入乳半鍾 又方加白何首烏黑豉蒸過用



生脉健脾湯 治漿既成皮軟色白乃氣不足也氣不足當補氣血不足宜養脾

旺則血生是固其本也 黃芪一錢半 人參一錢 炙甘草 官桂各三分 當歸

川芎 白芍 白朮各八分 茯苓五分 紫草四分 姜一片紅棗一枚糯米五

十粒或加酒洗紅花三分

通天散 治痘發熱不出或已出而色不紅活 人參 陳皮 桂枝各八分 川芎

熟地 芍藥各一錢當歸 紫草各一錢半紅花 木香各三分甘草六分 知母八分

荔枝殼十個 右用鷄汁一鍾棗三枚糯米一撮煎服初服到頸再服到臍三

服到脚神效

升天散 即灌膿起頂散治痘灰白或紅紫黑陷乾枯或清水不成漿八九日十日

皆可服 人參六分 黃芪 山查各八分 白朮土炒 當歸 川芎 橘紅各五分

甘草三分 淫羊藿 川山甲土炒黃各二分肉桂三厘此引經之藥多則痒 木香二分

姜一片棗一枚水煎服 或為末服亦可如嘔吐生姜湯下 瀉米飲下

肚痛神麴煎服 煩躁麥門冬湯下 渴用麥冬五味煎湯下 吐瀉藿香

陳皮湯下 痘不成漿多服數帖無妨

補漿湯 痘灰白不起壯或漿清 淫羊藿三分多則發痒 人參八分 川山甲土炒三分

黃芪一錢半 枸杞子一錢 川芎五分 當歸八分 甘草五分 木香二分 白朮土炒六分

山查八分 陳皮五分 官桂三厘 黃荳三十粒 筭尖三個 加姜棗糯米水煎服

一方有白芷防風



補元湯 治痘頂充滿而根盤不聚色不紅活乃氣有餘而血不足也 川芎

當歸 白芍酒炒 熟地各一錢 紫草 紅花各酒洗七分 陳皮 甘草各三分

白朮土炒一錢半 酒水各半 蓋糯米五十粒棗二枚煎服

活血散 治痘色淡白 當歸 赤芍酒炒 紫草 川芎 紅花各五錢 血竭一錢

木香二錢 右為末每五歲者服一錢十歲已上者服二錢好酒調下 熱極

血焦不紅活者酒煎紫草湯調下

保生散 治氣血俱虛設白色不灌膿回漿者 紫河車一具焙為末龜板酥炙五錢

一方有鹿茸五錢右末每服五七分或一錢氣虛者保元湯下血虛芎歸紫

草煎湯下

渾元散 治同上 紫河車一具分作五七塊 用白糯米三合水淘淨入無油銚內

同炒以米黃色為度同為末每用五七分兒大者一錢極補氣血能助灌漿

如神緣糯米性溫得紫河車之氣純化為河車故其補功最速譬之造酒米

從麴化意也極妙絕

異功散 此方調順陰陽充實表裏凡痘灰白痒癢寒戰泄瀉腹脹並宜服之非虛

寒者不可輕用 人參 白朮 茯苓 當歸 陳皮 半夏 厚朴姜製 木香

丁香 肉果 大附子 官桂 右姜棗水煎服

內助丹 黃蓍酒炒 人參酒炒 白朮 茯苓 當歸 陳皮 半夏 厚朴 肉桂

山查 姜三片棗一枚糯米五十粒水煎服 如不食加人乳一盃痒甚加大



附子 寒戰不止加附子防風 渴加麥冬 瀉加澤瀉豬苓不止加訶子
肉果

助陽丹 瘵場不起根窠不紅 黃耆 人參 白芍各酒炒一錢 甘草三分 厚朴各五分餘加同煎

當歸各一錢 紅花五分 陳皮八分 官桂二分 姜棗水煎服 如食少加山查

厚朴各五分餘加同煎

回生起死丹 治痘灰白寒氣逆上不食腹脹嘔吐肚痛泄瀉清水手足俱冷

丁香九枚 乾姜一錢 水煎熱服被蓋片時令脾胃溫煖陰退陽回痘自紅活

治中散 虛寒瀉利不進飲食 黃蘗 人參 茯苓 白朮 川芎 當歸

肉桂各五錢 肉果 麪包煨熟取去油 丁香一錢半 木香三錢 右末每五歲用查

分好熱酒調下衣被蓋煖少頃痘變紅活而起

和中湯 虛吐不止即鎮胃止吐湯加人參 人參 茯苓 甘草各五分 白朮

半夏各八分 陳皮 藿香 砂仁各一錢 生姜水煎服

藿香正氣散 治初熱乾嘔 藿香 紫蘇 大腹皮 陳皮 桔梗 甘草

茯苓 半夏 厚朴 白芷 右姜棗煎服

定痛散 傷寒肚痛及冷氣痛 神麴 香附各一錢 山查二錢 良姜 當歸

甘草各五分 姜三棗二水煎服 手足逆冷加大附子二分

桂枝芍藥湯 治腹痛 桂枝 炙甘草各一錢 白芍藥酒炒二錢 姜三片棗二枚

水煎服



黃連湯

治熱毒在胃腹痛時或欲吐此藥能升陰降陽

黃連

炙甘草

乾姜

桂枝各二錢

半夏

人參各八分

棗二枚水煎服

益黃散

胃冷嘔吐而利

陳皮

青皮各二錢

丁香五分

木香三分

訶子七分

右水煎服

一方無木香有荳蔻一錢

堅腸湯

治痘泄瀉不止

黃芪

白朮

肉果炮去油各一錢

山查七分

陳皮各五分

升麻三分

加牙棗三枚水煎服

荳蔻丸

治痘灰白泄瀉清水不止

又方止用龍骨訶子肉蔻三味治同

木香

砂仁

龍骨

訶子肉

肉果麵煨各五錢

赤石脂

枯礬各七錢半

右末麵糊

丸黍米大每服三十丸米飲下

加味犀角飲

痘已出不勻心煩壯熱口舌生瘡

犀角

牛子

荆芥

甘草

防風

升麻

桔梗

麥冬

水煎服

犀角地黃湯

治諸失血

犀角磨汁入

赤芍藥

生地

丹皮

各等分水煎服

二寶散

治痘紫色發熱鼻衄小便如血口渴亂語

犀角

玳瑁

二味磨汁頓

服即愈

斬關散

痘紫發熱鼻紅不止

地黃

丹皮

黃芩各五分

升麻三分

藕節

芽根各一錢

藁荳四十九粒

水煎服

梔子仁湯

煩躁譫語驚狂發斑

梔子仁

黃芩

石膏各二錢

知母

杏仁各一錢半

大青

柴胡

荳豉

赤芍各一錢

升麻八分

甘草五分

水煎服



人參白虎湯 暑盛煩渴痘出不快又解麻痘斑疱等熱毒 人參五分 石膏四錢

知母一錢半 炙甘草三分 加粳米一撮水煎服

竹葉石膏湯 治痘不惡寒壯熱煩渴小水赤澁 石膏 知母 甘草

竹葉 右水煎服

麥門冬湯 治斑疹煩渴吐瀉及痲後餘熱 麥冬 人參 甘草 赤芍

升麻各一錢 甘草五分 石膏三錢 水煎服

生脉散 止煩渴首尾通用 人參 五味子 麥冬 水煎常茶飲

參苓白朮散 治痘已痲未痲身熱不退煩渴不止此藥極能清神生津乃治脾虛

之聖藥也 人參 白朮 茯苓 甘草 乾葛 木香 麥冬 藿香 各等

分水煎服

柴胡麥門冬湯 治痘壯熱經日不退 柴胡 麥門冬 甘草 人參 玄參

龍胆草 水煎服熱退即止 一方無人參

涼膈散 上膈積熱口舌生瘡煩渴 連翹 薄荷 黃芩 梔子 甘草 大黃

朴硝 各等分水煎服 如痰火嗽加桔梗竹葉蜜一匙

四順飲 治大便秘 大黃 當歸 芍藥 甘草 各等分水煎服

通齒湯 大便秘結 當歸 紅花 生地 熟地 桃仁 升麻 甘草

火麻子 水煎服

通腸散 大便秘結 枳殼 當歸 大黃各一錢 芝麻三錢 牛膝一分 水煎服



中醫藥大學圖書館版權所有

葱白湯 治頭疼 連鬚葱白 生姜不拘多少水煎帶溫服

當歸六黃湯 治自汗盜汗 當歸 黃芪 黃芩 黃連 黃栢 生地 熟地

各等分水煎服

甘露飲 治牙根腫痛腐爛口臭牙疳出血喉舌生瘡 天冬 麥冬 生地

熟地 黃芩 枳殼 石斛 茵陳 枇杷葉炙去毛 甘草 各等分水煎服

吹口丹 治口疳 黃連 青黛 孩兒茶 冰片 為末吹之

赴筵散 口瘡神效 薄荷 黃栢 等分為末入青黛少許搽之

牙疳方 痘後餘毒攻牙根疳腐內宜服甘露飲人中白烟三錢枯礬二錢鹽梅七個煨存性

射香一分 白礬子灰一錢 五穀虫焙乾二錢 為細末先將葱茶洗去腐肉須見

鮮血然後搽藥

鈎藤湯 痘後口噤僵直遠臍腹痛 鈎藤 紅花 木香 川芎 當歸 白芍

甘草 白朮 青皮 黃連 官桂 生姜 各等分水煎不拘時服

消風散 治痰盛驚搐譫語狂急口張目作上視 羌活 獨活 姜蚕 藿香

枳殼 防風 天麻 地骨皮 蟬退各八分 前胡一錢半 柴胡 黃芩

天花粉 桔梗 茯苓 荆芥 紫草 牛子各一錢 人參 川芎各七分

甘草四分 姜棗水煎服

瓜蒞散 治痘熱極生風發搐 瓜蒞根二錢 白姜蚕一錢 慢火同炒老黃色為

末每服二三分薄荷湯下



保命丹 一切驚風發熱 天麻 鬱金 全蝎去尾各五錢 防風 甘草三錢 青黛

三錢 白附子炒 姜蚕 姜汁炒 薄荷五錢 大半夏 炒滾湯浸晒乾 又用姜汁浸晒乾 又炒

南星製同上各一兩 辰砂飛五錢為衣 射香五分 鈎藤 牛黃二錢 蟬退 茯神

桔梗各五錢 右末煉蜜為丸 芡實大每服一丸 燈心湯下

蟬花散 治痘發熱發痒抓破 蟬退 地骨皮各一兩 為末每服二三匙 白酒

服二三次

回漿散 治痘不收漿結痂 何首烏 白芍 黃耆 人參 甘草

白茯苓 姜水煎服

象牙散 治同上 人參 黃耆 白朮各一錢 甘草七分 茯苓一錢半 何首烏二錢

右加糯米二錢 棗二枚 水煎調下 象牙末一錢

玄參升麻湯 治温毒發斑 玄參 升麻 甘草 水煎服

陽毒升麻湯 面赤狂言煩躁腰背疼下利脉浮喉痛 升麻五錢 犀角 射干

黃芩 人參 甘草各二錢半 右水煎服

陰毒升麻湯 治陰斑 升麻 當歸 川椒 鱉甲 雄黃 甘草 右水煎服

四聖膏 治痘疔挑破以此點之 七粒珍珠火上燒 碗豈七七鍋內炒 男髮

不拘灰多少 加入胭脂真箇好

二聖散 治同上 雄黃二錢 紫草三錢 右研末用油胭脂調下

敷方 痂後痘疔潰爛成坑內見筋骨以此敷之 赤石脂 膩粉 黃栢 杭粉炒



血竭各一錢 飛丹炒八分 髮灰五分 乳香 沒藥各三分 冰片三厘 伏龍肝一錢

蜜陀僧飛過二錢 有臭氣加阿魏三四分 右為細末綿紙篩過敷之外用膏

藥貼內服人參敗毒散加川山甲蟬退連翹

人參敗毒散 治餘毒癰腫 人參 赤茯苓 羌活 獨活 前胡 薄荷

柴胡 枳殼 川芎 桔梗各等分 甘草減半 牛蒡子 防風 荆芥 連翹

金銀花即荆防敗毒散 頭上加白芷升麻 上身倍加桔梗 手加薄荷 腰加

杜仲 腿足加牛膝木瓜

金花散 痘後肥疔疥癬等瘡此能收水解毒 黃丹 黃柏 黃芩 黃連

大黃 輕粉 射香 右為細末濕瘡乾搽燥用臘猪油熬化調敷

必勝膏 治腫毒 馬齒莧搗汁 猪脂膏 石蜜 三味熬膏塗之即消

三荳散 痘後癰毒初起紅腫 黑豆 赤荳 葶荳用醋浸研漿時時以鵝翎刷

上隨手可消

敗草散 治斑爛不止 爛茅草 不拘多少用多年蓋牆屋者經露風霜年久感

天地陰陽之氣善解瘡毒其功不能盡述取來晒乾或焙乾為極細末敷瘡上或

攤在蓆上令兒坐臥於上即愈

又方 荔枝殼微燒存性 草紙燒灰存性 多年敗茅 三味共為細末或搽或

搽自能收水結痂

又方 黃荳殼燒白灰為末搽之 如痘風癬以荳殼煎湯洗



綿蠻散 治爛瘡 治身及肢節疔蝕瘡膿水不絕 蠶子不拘多少將生明礬末裝入滿火上燒令汁乾枯爲末搽之

秘傳茶葉方 痘爛遍身無皮膿水流粘粘衣被 茶葉要多揀去粗梗入滾水

一漂即撈起再揀去梗濕鋪床上用草紙隔一層令兒睡上一夜則膿皆乾

乳香韶粉散 痂欲落不落用此薄塗當滅癍痕又治熱痘瘋遍身膿水不絕

乳香三錢 韶粉一兩 輕粉一錢 右末猪油拌鵝翎敷上

地黃散 痘毒入眼腫痛赤縷或白膜遮睛 熟地 當歸 防風 蟬退 羌活

白蒺藜炒去刺 穀精草 木賊各一錢 玄參五分 犀角末一錢 黃連 大黃

炙甘草 木通各一錢半 爲細末小兒每服一字大人二字羊肝湯食後調服

日三夜一忌口將息

蜜蒙花散 治痘入目翳膜遮睛 蜜蒙花 菊花 石決明 白蒺藜 木賊

羌活 右末每服二三錢茶清調下

兔糞散 治痘入眼 亦可煉蜜爲丸酒送下 三五十九丸兔糞炒黃爲末用蟬退木

通甘草煎湯頓服

兔糞丸 治痘入眼或生翳障 兔糞炒四兩 石決明煨草決明 木賊去節 白芍

防風各一兩 當歸五錢 穀精草二錢 右末蜜丸棗豆大每服三五十九丸荊芥

湯送下

吹耳丹 輕粉 飛丹 爲細末左眼翳吹右耳右眼吹左耳只吹一二次



又方 加雄黃射香少許 外用石燕子一對 檳榔一對 一味磨水常服

單胎散 治妊婦出痘 一方有陳皮枳殼大熱加鬱金 川芎 川歸 芍藥

人參 白朮 茯苓 甘草 柴胡 條芩 防風 荆芥 白芷 葛根

砂仁 紫草 阿膠 桔梗 糯米 水煎服

安胎散 川芎 當歸 白芍 人參 白朮 白茯苓 甘草 條芩 陳皮

紫蘇 砂仁炒 阿膠炒 香附 艾葉 紫草 各等分加姜棗水煎服

安胎飲 大腹皮酒洗 人參 陳皮 白茯苓 白芍 紫蘇 砂仁 香附 甘草

加糯米水煎服胎漏加阿膠百草霜

柳花散 室女發熱經行 柳花五七錢 紫草一兩二錢升麻九錢 歸身七錢半

末每服七錢 葡萄煎湯調下

鐵箍散 治痘後癰毒 鳳凰退燒灰醋調圍四畔留頭出毒氣甚佳

蕎麥粉法 痘瘡破者用此敷之潰爛者以此遍撲之極佳 蕎麥粉以絹袋盛撲

於瘡上或以此襯於牀褥上

溫粉撲法 治汗出不止 黃連 牡蠣粉 貝母各末五錢 粳米粉一升 和勻絹袋

盛周身撲之

蟬花散 治爛痘生疽虫及夏月諸虫咬傷臭惡不可近者服之虫皆化而為水蒼

蠅亦不敢近 蟬退洗淨焙 青黛澄去灰土各五錢 北細辛二錢半 蛇退一兩燒存性

右為細末每服三錢酒調下仍以生寒水石細末搽之



青黛散 治痘未作膿痛甚心隔煩躁睡臥不安並宜服之 眞青黛如棗核大水調服之即安

樺皮散 治痘瘡及乳癰并一切腫毒 樺皮木剉煎溫服此藥味苦平無毒 若

治乳癰取樺皮燒存性爲末酒調服之立消

獨勝散 治早晨微熱晚發大熱目黃脇動身熱手冷發甚如驚者又名牛旁姜蚕

散 牛旁子五錢 白姜蚕二錢 紫草二七寸 水煎服速進三四服其痘便出蓋

姜蚕治遍身癰疹疼痛牛旁發痘透肌紫草利竅要知痘疹無虛寒證者服

此痘立出也

蘿蔔湯 治痘疹出不快者 右用開花蘿蔔煎汁時時飲之蓋痘疹氣勻即出快

蘿蔔治嗽定喘下氣消脹解毒

紫河車散 治小兒痘瘡毒氣不解上攻咽喉聲音不出舌頰生瘡遏逆煩悶潮熱

面赤 紫河車即金錢重樓 茜根 貫衆各三錢 白芍藥 甘草炙各五錢 右每服

三錢生姜一片水煎服 一方有牛旁子

野通散 治痘瘡出不快及傷寒不語 乾野人糞即彌猴糞火燒存性 冰片 眞麝香

各等分

右爲細末每服五分看大小用新汲水入蜜調下十歲以上者服一

錢 按野人糞治蜘蛛咬瘡此治痘出不快大効蓋蜘蛛咬瘡久而不愈其

絲生皮膚延蔓遍身不愈者加雄黃青黛水調以蜘蛛試之立化爲水屢驗 蓋此三味是治瘡疹當用之藥取山中者若人家所養之猴食物味雜即不



效失其本真也

南金散 治痘已出而復癩其勢甚危諸藥不效者萬無一失本家印貼此方施人

全活甚衆 紫背荷葉霜後搭水紫背者 白姜蚕洗去系炒乾 右為末等分每服看

大小大者一錢小者五分研羌葵汁和酒下米飲亦可 治此症多有用龍

腦人牙者卒難措辦惟此無毒而效且速但紫背者甚難得可於鹽鋪內尋

之

橄欖飲 治倒靨 橄欖從中截斷水服少許服之立發

乳香猪血膏 治痘不起發 乳香研末 猪心血搗為丸櫻桃大每服一丸水磨

化下

鈎藤紫草散 治痘疹不快 鈎藤鈎子 紫草茸 等分為細末每服三五分温

酒調下蓋紫草滑竅利小便散十二經毒氣鈎藤治小兒寒熱十二驚癇緣

驚癇出於心肝瘡疹亦心所主也

鴉片散 治痘當起脹灌膿時泄瀉不止諸藥不效者如神 真鴉片一錢蓮肉炒一

錢 右每服半分或一分米飲調下立止

葛根黃芩湯 治喘有汗發熱咳嗽 乾葛 黃芩各二錢黃連 芍藥 石膏各一錢

五味子十一粒 甘草五分 水煎服

五味子湯 治喘促而厥 五味子一錢半 人參一錢 麥冬 杏仁各二錢 右姜

三片棗三枚水煎服



清肺飲 治咽乾聲啞 麻黃一錢半 麥冬二錢 知母 天花粉 荊芥各一錢

訶子 菖蒲各八分 桔梗二錢 水煎入竹瀝姜汁服

天花散 治痘後失音 天花粉 桔梗 茯苓 訶子 石菖蒲 甘草 各等

分竹葉七片黃荊一寸水煎服

補肺散 治痘未出聲啞 阿膠蛤粉炒成珠一錢半午子炒三分杏仁去皮尖三粒 甘草

二分半 馬兜鈴 黃芪各五分 糯米炒一錢 水煎食後時時嚙之

利咽解毒湯 治痘咽喉痛首尾皆可用 山荳根 麥冬各一錢 午子炒

桔梗各七分 甘草二分 防風五分 藁荳四十九粒 右水煎服

三黃熱艾湯 痘後咽塞喉痺 黃連 黃芩 黃柏 艾葉 各等分水煎服

玉鎖匙 咽喉腫痛或蒂鍾拖下不收及喉舌強硬 硼砂一錢 朴硝五分 姜蚕一條

冰片半分 爲末吹入

羌活當歸湯 治腰背痛初發熱時便宜服之 羌活 當歸 獨活各一錢 柴胡

一錢五分 桂枝七分 防風 川芎 黃栢各一錢 桃仁 紅花各八分 酒水各

半煎服 又方治腰痛有蒼朮漢防己

如神湯 治腰痛 當歸 桂皮 玄胡索 各等分爲末酒下二三錢

活血解毒湯 治餘毒 防風 荊芥 生地 赤芍 當歸 連翹 午子

黃連 紫草 甘草 蒼朮 薄荷 川芎 木通 各等分水煎服

胎元散 痘不起發不紅潤是血氣俱虛 胎元焙乾爲末加射香少許酒調服三



五分

水楊湯

治痘乾尅不起者

水楊柳

春冬用枝秋夏用枝葉生水邊細葉紅梗枝上有圓葉

葉有白鬚散出俗名水楊梅

右以枝葉切碎水煎七八沸先將一分置盆內手拭

不寒不熱令痘兒先服內托之劑然後浴洗漸漸添湯不致太冷浴洗久許乃以紙撚火照之纍纍然有起勢起處覺有暈暈有系乃漿影也如漿不滿再浴若弱者只浴頭面手足可也既不赤體不厭多洗燈照如無起勢乃氣血敗無生意矣

溫胆湯

治痘血寒顏色灰慘血凝不活腹脇脹滿面青筋縮嘔清水或瀉青菜色

白茯苓

橘紅

半夏

甘草

枳實麩炒

各等分竹茹一錢姜棗水煎服

陳氏木香散

治痘氣寒流涕涕咳嗽惡風自汗身體寒戰瘡色慘白 木香臨

時磨服

大腹皮黑豆洗淨 人參各三錢赤茯苓

前胡

青皮去穢炒 半夏炮七次

丁香

訶子肉

炙甘草各二錢半燈心一錢半

每服三錢姜棗水煎服看大

小加減

中和湯

治同上

人參

黃耆

厚朴姜汁炒

白芷

川芎

當歸

粉草

桔梗

白芍酒炒

肉桂去粗皮

防風

藿香

各等分酒水各半姜棗煎服

瀉肺散

治痘氣熱鼻乾燥皮毛枯槁咳嗽瘡色焦紫即瀉白散 桑白皮蜜炙

地骨皮

甘草

各等分加竹葉二十片燈心水煎服

清肺飲

治症同煎

麥冬

桔梗各二錢

知母

荊芥

天花粉各一錢

石菖蒲

詞子肉各八分 水煎服

清金湯 治口氣臭 知母 黃芩 石膏 桔梗 甘草 天門冬 麥冬

馬兜鈴 木通 山梔 天花粉 各等分水煎服

解毒托裏散 治痘稠密 桔梗 牛旁子 人中黃 防風 荆芥穗 酒紅花

歸尾 蟬退 升麻 乾葛 赤芍 連翹去心 各等分水煎入燒人尿調服

四物快斑湯 治痘火盛乾燥 當歸 川芎 赤芍 生地 荆芥穗 牛子

升麻 葛根 連翹 紫草 地骨皮 水煎入燒人尿服

四君快斑湯 治痘氣虛淫濕 人參 黃耆 白朮土炒 茯苓 甘草 桂心

白芷 荆芥穗 防風 陳皮 白芍酒炒 各等分水煎服

大補保命湯 治痘皮嫩易破者 人參 黃耆 當歸 生地 川芎 赤芍

甘草 牛旁子 防風 荆芥穗 連翹 官桂 水煎入燒人尿服

清金導赤飲 治痘熱乘肺金當痂不痂作喘煩躁譫語小水不利垂危 當歸

白芍 陳皮 貝母 軟石膏 白茯苓 甘草 黃芩酒炒 黃連酒炒 杏仁

桑白皮蜜炒 枳殼炒 木通 滑石 麥冬 車前子 人參 玄參 各等分

水煎服

人參固肌湯 治痘表發太過致肌肉不密痘痂粘肉久不落者 人參 黃耆

甘草 當歸 蟬退 各等分入糯米一撮水煎服



人參清神湯 治痘痂不落昏迷沉睡者 人參 黃耆 甘草 當歸 白朮

麥冬 陳皮 酸棗仁 黃連酒炒 茯苓 各等分加棗糯米水煎服

馬齒莧散 治痘痂不落成斑痕者 馬齒莧搗汁猪脂膏石蜜共熬膏塗腫處

當歸桂枝湯 治痘後手足不能屈伸 當歸 川芎 黃耆 甘草 薄桂

黃柏 蒼朮炒 各等分水煎 如氣虛少加川烏以行經加人參為佳 如

感風寒以致骨節疼痛加羌活防風

玄參化毒湯 治痘後赤遊丹毒 玄參 歸尾 紅花 連翹 軟石膏 赤芍

防風 地骨皮 木通 荊芥穗 各等分加竹葉水煎服

蚤退散 敷牙疳 枯礬 溼即尿桶中垢也火煨白色 五倍子各三錢 蚤退燒存性二錢

為細末先以米泔水用蟾蟾虫翻轉蘸水洗淨瘀血以藥敷之

黃連陰歷丸 治狐惑瘡 黃連二錢 蘆會 乾蟾蜍各一錢二分 史君子肉二錢半

蕪荑一錢五分川棟子肉一錢 右末烏梅洗淨去核搗膏和丸米飲下

蜆子湯 治痘後發癩 蜆子不拘多少活者以水養五七日旋取其水洗之蜆衣

煮湯亦佳

十三味敗毒散 治癰毒 當歸 白芷 川山甲土炒 金銀花 防風 乳香製

甘草 陳皮 赤芍 皂角刺 貝母 沒藥製 天花粉 各等分酒水各半

煎服

涼肝明目散 痘後羞明 當歸 龍胆草 密蒙花 川芎 柴胡 防風



酒連 各等分雄猪肝煮湯煎服

望月沙散 痘後暗室中不能開者 穀精草 密蒙花酒洗 蟬退去翅足各五錢

望月沙一兩 右為末雄猪肝一兩竹刀批破用藥一錢搽入肝內水煮熟飲

汁食肝效

羊鬪骨髓 治痘痂欲落不落癍痕 羊鬪骨髓一兩 煉入輕粉一錢研成膏塗之

小靈丹 解毒發痘之聖藥治紅斑黑陷不起一切危惡如服此而不見效者決無

可生之理矣 硃砂 雄黃各一錢 乳香 沒藥各製一錢半 大蟾蜍取心肝是上藥

乾五錢 射香三分 為細末取猪心血雞冠血丸皂子大每服一丸 身無大

熱生酒化下 熱甚不飲酒紫草燈心湯下即時紅活而起

神功散 治痘作渴 人參 黃芪 甘草 牛旁子 紅花 生地 前胡

紫草 白芍 水煎服

紅花湯 治同上 紅花或子隨意煎湯飲其渴即止縱口中如烟飲之即止 加

牛旁子尤妙

加味鼠粘子 治咽中有瘡作嘔 桔梗 射干 山荳根 防風 乾葛

陳皮 荊芥 連翹 水煎細細呷之

燈心竹葉湯 治乾嘔 竹葉三十片 燈心三十根 水煎服

潤腸湯 治虛秘 歸梢 甘草 生地 火麻仁 桃仁泥 水煎服

拔毒膏 治痘疔 雄黃研 胭脂重浸水令濃調雄黃點疔痘上立時紅活亦神



法也蓋雄黃能拔毒胭脂能活血也

涼血地黃湯 室女出痘遇經不止熱入血室 當歸 川芎 白芍 生地

白朮 升麻 黃連 甘草 人參 山梔仁 玄參 水煎服

涼血解毒湯 治女人出痘非經期於發熱時而血忽至 當歸一錢二分 白朮五分

升麻四分 紫草一錢半 紅花一錢 赤芍一錢 桔梗八分 連翹三分

根水煎服

當歸養心湯 治女人出血口瘡不能言者 人參 當歸 麥冬 甘草 升麻

生地 各等分加燈心水煎服

瀉肝散 女人經水不斷適逢出痘發熱昏沉言語狂妄 姜活 川芎 防風 各

八分 當歸一錢 山梔仁 龍胆草各五分 大黃酒蒸三次一錢 水煎服 一方

有木通柴胡黃芩

歸脾湯 女人經閉不通血海乾涸適逢出痘以此調其心脾不使血妄行加柴胡

山梔名加味歸脾湯 人參 白朮 茯神 黃耆 遠志 地骨皮各一錢二分

甘草三分 木香五分 酸棗仁一錢 姜棗煎服

逍遙散 女人出痘寒熱不時經水不調服此其血不致妄動 白朮 茯苓

當歸 芍藥 甘草 柴胡 各等分加棗一枚水煎服 加丹皮山梔名加

味逍遙散

如聖散 妊婦出痘安胎 白朮 黃芩 當歸 枳殼 黑豆 大腹皮 砂仁



甘草 桑上羊兒藤即桑寄生 各等分水煎服

黑神散 婦人出痘分晚後痲血作痛 當歸 川芎 熟地 炮姜 桂心

蒲黃炒 香附重便炒 木香 青皮 黑豈 酒水各半煎服

原疹

生生子曰麻疹浙地呼爲瘡子又曰沙子吳地呼爲疹子新安呼爲麻總由有生初之淫火伏於命門之間命門具太極之理而陰陽五行繫焉臟腑之所由生也蓋五行一陰陽陰陽一太極也天之與人咸相感通由其通故天寒而人身寒天熱而人身熱也天之癘氣一動則所稟之毒隨感而發陽感之則疹出焉陰感之則痘出焉陽浮而淺故疹易出易斂陰凝而深故痘難出難痲陰陽二劫之毒盡出則向安矣余故曰人之出疹出痘猶蚤之一眠二眠三眠也痘雖出於陰而實成於陽以氣爲之固也疹雖出於陽而實藉於陰以血爲之資也何見之痘非氣行則血不附安得結痲疹非血濟則氣失依焉能收斂斯陰陽升降之理一開必一闔血之附氣氣之依血陰根於陽陽根於陰陰陽互爲其根也前人謂痘出於臟不知指何臟疹出於腑不知指何腑而云之又謂疹出心肺故鼻涕而咳嗽余謂此皆臆度套詞而非有眞知一定之見也旣曰疹出於腑心肺獨非臟乎按內經鼻爲肺之門戶通天氣陽毒上發熱毒薰蒸蓋心肺位尊鬲上又肺主毛竅毒從竅出是干於肺而非出於肺也要知痘之與疹皆出於命門之陰陽也 右釋麻疹

一發熱之初多似傷寒惟疹則咳嗽噴嚏鼻流清涕眼泡腫其淚汪汪面浮腮赤惡心乾嘔爲異耳但見此候便宜謹避風寒戒葷腥厚味急表散之使皮膚通暢腠理開豁而疹毒易出也

一疹痘之發雖曰胎毒未不由天行癘氣故用藥必先明歲氣兼之時令如溫暖時月以辛涼發之如防風解毒湯暄熱時月以辛寒發之黃連解毒湯大寒月以辛溫熱劑發之桂枝解毒湯時寒時煖以辛平之藥發之升麻葛根湯此因時發劑不可悞作傷寒妄施汗下而伐天和也又須看人虛實如大便秘結煩熱甚而發不出者以酒大黃微利之吐利不止以參芍之類補之

一用前藥發散而疹隨見爲美若發不出再加發之如加味麻黃散之類外以芫荽酒糟蒸熱擦之看其疹自頭至足爲之出齊頭面愈多爲佳若遲延日久而不出則腹脹氣喘昏眩悶亂煩躁而死矣

一看疹之法多於耳後項上腰腿先見其頂尖而不長其形小而均淨淡紅爲吉若色紅甚兼火化也化斑湯主之人參白虎湯佐之如色白者此血不足也養榮湯如色紫赤乾燥暗晦乃火盛毒熾宜六一散解之四物湯加柴胡黃芩乾葛紅花牛蒡子連翹之類滋陰涼血而熱自除所謂養陰退陽之義也此亦五死一生之症外大青湯玄參解毒湯皆可選而用之若黑色者則熱毒尤甚爲十死一生之症須明察之勿妄施治

一表後看疹隱隱然見於肌膚成片切忌風寒生冷如一犯之則皮膚閉塞毒氣壅

滯遂變爲渾身青紫而毒反內攻煩躁腹痛氣喘悶亂諸症作矣欲出不出危亡立至

一疹已出而忽沒者乃風寒所過而然也若不早治毒成內攻必致痒癩而死急用消毒飲合升麻湯熱服則復出而安矣

一發熱之時遍身汗出者此毒從汗散立府開疹易出也有鼻中血出者此毒從血解也俱不可遽止之若汗出太多血出不止者此又火甚逼迫太過致液妄流妄行矣急宜當歸六黃湯加浮小麥以止汗茅花湯加玄參百草霜以止血遲則汗出多而元氣虛血出多而精神散爲不治之症矣

一發熱之時或嘔吐或自利或滯下者此火邪內逼毒氣上行則吐下行則利毒甚則裏急後重而爲滯下也吐者竹茹石膏湯利者升麻澤瀉湯滯下黃芩芍藥湯加黃連生地木通人參枳殼或少加大黃微下之

一發熱之時未有不口渴者但宜以藜蘆燈心炒米湯飲之人參白虎湯佐之取生津解毒而已若恣飲冷水恐生水畜之症故水入於肺爲喘爲咳宜用葶藶子以洩肺中之水水入於脾爲腫爲脹爲自利水入於胃爲嘔爲利宜用猪苓澤瀉茯苓以瀉脾胃之水水入於心爲悸爲驚宜赤茯苓燈心湯以洩心下之水水入於肝爲脇痛用芫花以洩之水入腎與膀胱爲小便不利爲陰囊腫用車前子木通以洩之皆當隨症而治

一疹出之時咽喉腫痛不能飲食者此毒火拂鬱上薰也宜甘桔湯加玄參牛旁連



翹更以十全散玉鎖匙吹之不可妄用針出血也

一疹出之際咳嗽口渴心煩者此毒在心肺發未盡也瀉白散加天花粉連翹立愈
黃連以瀉之或黃連杏仁湯

一疹出之時自利不止或瀉稀水頻數者有吉有凶但要其疹若遍身稠密及盛
或紫色或紅色此則為吉蓋毒在大腸非瀉則毒不解惟用平胃散加葛根連翹
以解之而已疹一發透依期而收瀉自止也若疹已收而瀉尤未止者驗其體熱
疹必未盡再用前藥加連翹黃連牛旁木通澤瀉以分利之六一散亦妙絕若用
訶子肉果等澁滯之劑則變喘急腹滿痞脹不治之症矣若疹色淡而體不熱口
不渴大小便利飲食少進此為凶乃虛寒之症方可溫補或兼收澁

一疹出常以六時辰即收為率如子時為陽午後收午後為陰子後即收乃陽生陰
成陰生陽成造化自然之妙也故漸出而漸收者其勢輕可若一出之後熱不退
連綿三四日而不收者此毒火太盛外發未盡內有餘邪所致須以化斑湯三味
消毒飲加玄參石膏桔梗為治

一疹出後自然熱退若遍身既出而猶拂拂煩熱頗作嘔吐者此毒尚未盡留連於
肺胃之間宜化斑湯如大便秘少加大黃微利之

一疹已收去渾身反發熱日夜不退此毒未盡解邪火鬱於肌肉之間久則毛髮焦
乾皮膚枯槁肌肉消瘦為骨蒸癆瘵之症宜蘆會肥兒丸加龍胆草當歸連翹等
治之遲則有變睡則露睛口鼻氣冷手足厥逆癰癤慢脾風為不治之症矣

一疹收之後身雖不見羸瘦但時發壯熱煩躁不寧搐掣驚悸神昏悶亂者此陰血衰耗致餘毒入肝而傳於心也宜養血安神四物湯加麥門冬酸棗仁淡竹葉燈心甘草石菖蒲龍胆草茯神黃連辰砂爲治或以前藥爲末用飪餅猪心血爲丸服亦可

一疹毒入胃久而不散致成牙齦黑爛血出爲走馬疔傳於兩頰浮腫久而穿破腮缺唇破鼻爲崩砂狐惑等危症矣外用文蛤散雄黃散搽之內用人中白蘆會史君子龍胆草黃連五靈脂飪餅爲丸滾水服之以清胃火亦或有得生者但不多見也

一疹出之時曾作瀉痢未經清解至疹退之後變爲休息痢不問赤白裏急後重日夜無度此餘毒在大腸也須分虛實治之實者三黃丸利之或香連丸利之後用黃芩湯虛者從補

一疹退之後微微咳嗽者此餘毒未盡也用清肺飲加消毒飲主之若咳甚氣喘連聲不住名爲頓嗽甚至飲食湯水俱噎出或咳出血者此熱毒乘肺而然也宜多服麥門清肺飲加連翹若見胸高如龜背作喘血從口鼻出搖首捶頭面色或白或青或紅或枯黯者乃不治之症然亦有肺氣爲毒所遏而發喘連聲不已但無嗽咳血出噎食之症者宜用清肺飲倍加人參治之尤不可拘於肺熱之一端而純用清肺解毒之藥

一疹退之餘聲啞不出或咳或喘或身熱不退以致日久而不愈者此熱毒未盡肺

金受尅故也宜清金降火湯加竹瀝姜汁主之

一疹退之後飲食如常動止如故而卒然心腹絞痛遍身汗出如水者此因元氣虛弱失於補養外雖無病裏實虛損偶然爲惡氣所中謂之中惡此朝發夕死之症間有用蘇合香丸而甦者

一疹退之後有餘熱未盡或發癰毒肢節疼痛者以羌活散微汗微利

一疹退之後有餘熱未盡或熱甚而失血者犀角地黃湯合解毒湯或四物湯加茵陳木通犀角之類以利小便使熱氣下行而愈

一疹收之後餘熱未盡日夜煩躁譫語狂亂者辰砂益元散燈心湯下或辰砂五苓散加芩連治之若初起煩躁譫語者升麻葛根湯調辰砂益元散主之

一麻疹一症比之出痘似輕然調治失宜其禍反不旋踵蓋痘由胎毒而發其形勢多少輕重吉凶自可預斷至疹之出則雖由感受邪氣而發然其輕者可重者可輕皆在於調治有方故其飲食禁忌比痘尤甚若誤食雞魚則終身皮膚粟起如雞皮之狀但遇天行出疹之時又令重出誤食猪肉則每歲出疹之月必然下痢膿血誤食鹽醋致令咳嗽則每臨出疹之月必復咳嗽誤食五辛之物則生驚熱不時必待四十九日或百日後方無禁忌也

一孕婦麻疹但當以四物湯倍加白朮條芩艾葉安胎清熱爲主使胎無虞而疹易沒也如胎氣上衝急用苧麻根艾葉煎湯磨檳榔并服之更多服上藥爲妙

一熱毒薰胎胎多受傷而母實無恙也蓋疹與痘不同痘宜內實故胎落而母亡疹



宜內虛故胎下而母安雖與其胎去而母存孰若子母而全之為愈也

麻疹輕重不治三症要訣

或熱或退五六日而後出輕 發透三日而暫沒者輕 頭面多而勻淨色澤者輕

頭面不出者重 紅紫暗燥者重 咽喉腫痛不食者重冒風沒早者重

熱大腸變痢者重 黑暗乾枯一出即沒者不治 鼻扇口張目無神者不治

鼻清糞黑者不治 心前吸氣喘者不治

水痘症

夫水痘亦類傷寒之狀身熱二三日而出或咳嗽面赤眼光如或噴嚏或唾涕與正

痘不同易出易靨不宜燥濕苟或燥之恐結痂多變成瘡之症

麥湯散 古本只此一方或作湯服亦可 地骨皮 滑石 甘草各五分 甜葶藶

麻黃 大黃 知母 羌活 人參各一錢 右為末每服五分用小麥七粒

煎湯調下

防風葛根湯 治痘發癩疹 及疹麻發熱 防風 葛根 升麻 赤芍 甘草

各等分水煎服

防風解毒湯 治麻痘初發熱如時令溫煖用此辛涼之藥發之 防風 薄荷

荊芥 石膏 知母 桔梗 牛子 甘草 連翹 木通 枳殼 竹葉

燈心各等分水煎服

黃連解毒湯 治麻痘初發熱如時令暄熱用此辛寒之劑發之 黃連 黃芩



黃栢 山梔 牛旁子 甘草 防風 荊芥 知母 石膏 桔梗 玄參

木通 姜三片 水煎服

桂枝解毒湯

治麻痘初熱如時令大寒用此辛溫熱之劑發之

桂枝

麻黃

赤芍 防風 荊芥 羌活 甘草 桔梗 人參 川芎 牛子 生薑 水煎服

煎服

升麻解毒湯

治麻痘初熱如時煖時寒用此辛平之劑發之

升麻

葛根

羌活 人參 柴胡 前胡 甘草 桔梗 防風 荊芥 牛旁子 白芍

連翹 竹葉 水煎服

加味麻黃散

麻痘發不出以此發之

升麻酒洗

麻黃酒炒

人中黃

牛旁子

蟬退 各等分 水煎服

化班湯

治麻痘色紅

人參

知母

石膏

甘草

牛旁子

連翹

升麻

地骨皮 竹葉 糯米 水煎服

養榮湯

治麻痘色白

人參

當歸

紅花

赤芍

桂水炒

甘草

水煎服

大青湯

麻痘紫赤暗晦乾燥

玄參

大青

桔梗

人中黃

知母

升麻

石膏 木通 梔子仁 水煎入燒人尿服

茅花湯

治麻痘鼻衄

茅花

歸頭

丹皮

生地

甘草

各等分

水煎服

竹茹石膏湯

治麻痘嘔吐

橘紅

半夏

石膏

白茯苓

竹茹

甘草

右

水煎服



升麻澤瀉湯 治麻痘自利 猪苓 澤瀉 滑石 赤茯苓 甘草 黃連酒炒

升麻 各等分水煎服

黃芩芍藥湯 治麻痘滯下 條芩三錢 白芍 升麻各二錢 甘草一錢 水煎服

十全散 麻症咽喉腫痛 黃芩 黃連 黃柏 苦參各酒炒一錢 玄胡索三錢

礪砂 乳香製各二分 孩兒茶 雄黃各五分 共為細末每用少許吹入

蘆會肥兒丸 麻後發熱日夜不退肌肉消瘦骨蒸癆瘵 蘆會 龍胆草 木香

蚎皮 人參 麥芽炒使君子肉各二錢 檳榔 黃連酒炒 白蕪荑各二錢

胡黃連五錢 右末猪胆汁糊為丸黍米大每服五六十丸米飲下

文蛤散 麻毒入胃牙肉黑爛出血走馬疔症 雄黃五錢 五倍子二錢 枯凡五錢

蚕退紙燒存性一錢 右細末米泔水洗淨以藥搽之

雄黃散 治同上 雄黃一錢 黃栢二錢 射香一分 先用艾湯淨洗後搽藥

麥冬清肺飲 麻後咳嗽出血或喘湯水 知母 貝母 天門冬 桔梗 甘草

杏仁 牛旁 石膏煨馬兜鈴蜜水炒 糯米 右水煎服

清火降火湯 麻後熱乘肺金聲啞不出或咳或喘 當歸 白芍 生地 陳皮

貝母 瓜蒌仁 甘草 白苓 桔芩酒炒 山梔炒玄參 天冬 麥冬

杏仁 桑白皮 石膏 紫蘇梗 酒連 右各等分姜一片水煎服

生生子曰麻疹咳嗽喘急每用痘門中大小無比散每服五七分大者一錢即刻喘定而睡醒後神安氣和而愈屢用屢驗乃熱毒從小便出也



加減四味升麻湯 此升發之劑但一二帖則止不可過表 升麻 葛根 赤芍

甘草 防風 桔梗 紫蘇 蒼朮 陳皮 枳殼 柴胡 姜棗煎服

水痘赤痘即此一服而愈不必他方雜治



南京中醫藥大學圖書館藏

